

92 წლის წინ, 1933 წლის 2 აპრილს დაარსდა გაზეთების: „თერჯოლის“, „წინსვლის“ და „საკოლმეურნეო სოფლის“ წინამორბედი—გაზეთი „ჩხარის კოლმეურნე“.



92 წელი თქვენთან ერთად!



„არს მთის კალთას, სკანდას, სასახლე მეფეთა და ციხე დიდი, დიდშენი“
პანკრატოვი

თერჯოლა

Facebook გაზეთი თერჯოლა
www.nplg.gov.ge
www.terjola.gov.ge

საზოგადოებრივი გაზეთი • გამოდის 1933 წლიდან • №11-12 (7135) 10 ივნისი, 2025 წელი

ეს დღე ჩვენია!...

26 მაისი—საქართველოს დამოუკიდებლობის დღე!

1918 წლის 26 მაისს თბილისზე აღიმართა ეროვნული დროშა, რომელიც მრავალტანჯული და ნანამები ქართველი ხალხის მრავალსაუკუნოვან ისტორიაში ახალი ერის დასაწყისს მოასწავებდა. საქართველოში შეიქმნა პოლიტიკურად და ეკონომიკურად დამოუკიდებელი, სუვერენული სახელმწიფო—ყველაზე დემოკრატიული წყობა ქართველი ხალხის ისტორიაში.

არსებობის მოკლე დროის მანძილზე (2 წელი და 7 თვე) საქართველოს დემოკრა-

ტიულმა რესპუბლიკამ მოასწრო გარკვეული პროგრესული ღონისძიებების გატარება მმართველობის, კულტურის, განათლების სფეროში...

ფინალი დემოკრატიული რესპუბლიკისა ცნობილია. საბჭოთა რუსეთმა დაარღვია რა 1920 წლის 7 მაისს საქართველოსთან დადებული სამშვიდობო ხელშეკრულება, 1921 წლის თებერვალში შეიარაღებული აგრესიით მოახდინა საქართველოს ანექსია...

☞ 3



1 ივნისი ბავშვთა დაცვის საერთაშორისო დღეა!

თერჯოლაში ამ დღესთან დაკავშირებით, სხვადასხვა გასართობი და შემეცნებითი ღონისძიებები ჩატარდა.

მუნიციპალიტეტის მერიის ორგანიზებით, ლაშა გოგი-აშვილის სახელობის სკვერში მოეწყო ბავშვთა გასართობი სივრცე, მრავალფეროვანი ატრაქციონებით—გასაბერი და სპორტული ბატუტი, ცხენების კარუსელი, მუსიკალური ჩაიდანის, პოკეის, აინონას, ყვავილის და კალათბურთის აპარატები.

აქამ თერჯოლის მოსწავლე-ახალგაზრდობის მუნიციპალურმა ცენტრმა წარმოადგინა მხატვრული ღონისძიება.



დანვრილებით მომავალ ნომერში.

მშვიდობისა და ბედნიერების
გზა ახალგაზრდობო...

იმედად და სიძლიერედ
შემატებოდეთ მამულს!



20 მაისს, თერჯოლის მუნიციპალიტეტის სკოლებში, მეთორმეტე კლასელებისათვის ბოლო ზარი დაირეკა. ეს დღე წლებანდელ კურსდამთავრებულთა ბიოგრაფიის განუყრელ ნაწილად დარჩება, ისევე როგორც სკოლაში გატარებული 12 წლის თითოეული დღე...

მომავალში მხოლოდ მათზე და მათი თანატოლების პირველ ნაბიჯებზე, განათლებაზე, სამშობლოს სიყვარულზე, ზნეობაზე, რწმენასა და პასუხისმგებლობის გრძნობაზე იქნება გარკვეული წილად დამოკიდებული ჩვენი ქვეყნის, საქართველოს თითოეული მოქალაქის ბედი.

ჩვენი მუნიციპალიტეტის ყველა საჯარო და კერძო სკოლაში დიდი ზარ-ზეიმით აღინიშნა ბოლო ზარის დღე. საინტერესო და მრავალფეროვანი იყო სკოლასთან დასამშვიდობებელი პროგრამები, მხიარული და ბედნიერი იყო თითოეული კურსდამთავრებული.

257 თერჯოლელებს ღირსდა მამულის დაულოცეს გზა

ამბები თერჯოლის
მუნიციპალიტეტიდან

☞ 2

ყოჩაღ ბიჭებო!

☞ 4

ბოლო ზარი!
ბოლო გაკვეთილი!

☞ 6

ოცი კურსდამთავრებული, ოცი
ფოიერვერკი და ათასი მადლობა

☞ 7

ამბები თერჯოლის მუნიციპალიტეტიდან

რუბრიკით: „ამბები თერჯოლის მუნიციპალიტეტიდან“ გთავაზობთ წერილებს, რომლებიც მომზადებულია საჯაროდ გამოქვეყნებული ინფორმაციების საფუძველზე.

იმერეთში სახელმწიფო რწმუნებულის პირველ მოადგილედ მამუკა ხიმშიაშვილი დაინიშნა

სახელმწიფო რწმუნებულმა იმერეთში, ლევან ზალკალიანმა თანამშრომლებს ახალი მოადგილე წარუდგინა და წარმატებები უსურვა მას.



მამუკა ხიმშიაშვილი კურატორობას გაუწევს ქონების პრივატიზებისა და სასარგებლო წიაღისეულის საკითხებს, სახელმწიფო შესყიდვებს, უხელმძღვანელებს სატენდერო კომისიას, მას ასევე განესაზღვრა კოორდინაცია სამინისტროებთან და მათ რეგიონულ დაწესებულებებთან. გარდა ამისა, მან ჩაიბარა საერთაშორისო ურთიერთობების მიმართულებით.

მამუკა ხიმშიაშვილს საჯარო სექტორში, ასევე პოლიტიკურ თანამდებობებზე მუშაობის დიდი გამოცდილება აქვს. დღემდე ის იყო ქუთაისის მერის მოადგილე, 2023-2024 წლებში ცაგერის მუნიციპალიტეტის მერის პირველი მოადგილე, 2021-2023 წლებში ამბროლაურის მუნიციპალიტეტის მერის მოადგილე. სხვადასხვა პერიოდში მუშაობდა საქართველოს დევნილთა, შრომის, ჯანმრთელობისა და სოციალური დაცვის, იუსტიციისა და საქართველოს შინაგან საქმეთა სამინისტროებში.

18 მაისი—ქართული ეროვნული სამოსის დღე

ამ დღესთან დაკავშირებით თერჯოლაში კულტურულ-გასართობი ღონისძიებები გაიმართა. მოეწყო კოსტუმირებული მსვლელობა ქალაქის ცენტრში. მერიის ადმინისტრაციული შენობის წინ ჩატარდა კულტურულ-შემეცნებითი აქტივობები. აქვე გამოფენილი იყო ეროვნული სამოსი, ეთნოგრაფიული ნივთები, ადგილობრივ მენარმეთა ნამუშევრები.



ღონისძიებაში მონაწილეობდნენ მუნიციპალიტეტში მოქმედი ქორეოგრაფიული და ფოლკლორული ანსამბლები, საჯარო სკოლები, მოსწავლე-ახალგაზრდობის ცენტრი. ეროვნული სამოსის დღე თერჯოლელებს მიულოცეს მუნიციპალიტეტის მერმა მანუჩარ რობაქიძემ, საკრებულოს თავმჯდომარე გიორგი ბარათაშვილმა, თერჯოლისა და ტყიბულის ეპარქიის მიტროპოლიტმა მეუფე გიორგიმ.

საქართველოში ეროვნული სამოსის დღე 2016 წელს დაწესდა, რომლის მიზანია ქართული კულტურის ფართო პოპულარიზაცია.

ეროვნული სამოსის დღისადმი მიძღვნილი ღონისძიება თერჯოლის მუნიციპალიტეტის მერიის მხარდაჭერით და კულტურის სამსახურის ორგანიზებით ჩატარდა.

მზის ელექტროსადგური ქვედა სიმონეთში

თერჯოლის მუნიციპალიტეტის სოფელ ქვედა სიმონეთში მზის სისტემის ელექტროსადგური მოეწყო.

მზის სისტემის ახალი ელექტროსადგური მუნიციპალიტეტის მერმა მანუჩარ რობაქიძემ საკრებულოს თავმჯდომარე გიორგი ბარათაშვილთან ერთად დაათვალიერა.

ადგილობრივმა მენარმე ჯუმბერ ქოჩიაშვილმა 500 კილოვატიანი სიმძლავრის ელექტროსადგური, სახელმწიფო პროგრამის „ანარმოე საქართველოში“ ხელშეწყობით დაამონტაჟა და იგი ყოველწლიურად 800 ათას კილოვატზე მეტ ელექტროენერგიას გამოიმუშავებს. მენარმე, ელექტროსადგურის გაფართოებასაც გეგმავს. ამ ეტაპისთვის მზის ელექტროსადგურიდან ელექტროენერგია კასპში არსებულ შპს „ნოსტეს“ მიეწოდება.

რეგიონებში კერძო სექტორის განვითარების ხელშეწყობა, ბიზნესის მხარდაჭერა და გაძლიერება ხელისუფლების ერთ-ერთი მნიშვნელოვანი პრიორიტეტია.

ახალთერჯოლასა და თავასაში

მუნიციპალიტეტის სოფლებში ახალთერჯოლასა და თავასაში სასოფლო გზების რეაბილიტაცია მიმდინარეობს.

ახალთერჯოლაში ქ. თერჯოლასთან დამაკავშირებელი საავტომობილო გზის კეთილმოწყობის, პროექტის ფარგლებში იგება არმირებული ბეტონის საფარი. სამუშაოებს ასრულებს შპს „ჯეო როოდ ინვესტი“ და მისი ღირებულება 263158 ლარია.



საავტომობილო გზა ეწყობა ასევე თუზის ადმინისტრაციულ ერთეულში შემავალ სოფელ თავასაში, სადაც არმირებული ბეტონის საფარი დაიგება. პროექტის ფარგლებში მოეწყობა სანი-აღვრე სისტემა. სამუშაოებზე, რომელსაც შპს „მეკა“ ახორციელებს 260 000 ლარი დაიხარჯება.

ორივე სოფლის გზა რეგიონალური განვითარების ფონდიდან, ადგილობრივი ბიუჯეტის თანადაფინანსებით კეთილმოეწყობა.

ამ დღეებში მიმდინარე ინფრასტრუქტურული პროექტები მუნიციპალიტეტის მერმა მანუჩარ რობაქიძემ დაათვალიერა საკრებულოს თავმჯდომარე გიორგი ბარათაშვილთან და ადგილობრივი თვითმმართველობის სხვა წარმომადგენლებთან ერთად.

საგზაო სამუშაოები რიკოთზე...

რიკოთის დარჩენილ 4 კმ-იან მონაკვეთზე (ჩუმათელეთი-ხევი) გრძელდება ინტენსიური სამუშაოები. 4 კმ-იანი მონაკვეთის აღმოსავლეთ-დასავლეთის მიმართულებაზე 2 ზოლიანი გზის მშენებლობა მალე დასრულდება. დასრულებულ 2 ზოლზე დროებით გადაერთვება ორივე მიმართულების სატრანსპორტო მოძრაობა და დაიწყება ძველი გზის რეკონსტრუქცია-რეაბილიტაციის სამუშაოები, სადაც მოეწყობა 3 ზოლიანი გზა და 5 ახალი ხიდი.

ძველი გზის რეკონსტრუქცია-რეაბილიტაციის სამუშაოების დასრულების შემდეგ, რიკოთის 52 კმ-იანი მაგისტრალური გზა სრულად იქნება გახსნილი ავტოტრანსპორტისთვის.

რიკოთის მაგისტრალური გზის მშენებლობის პროექტის ფარგლებში, სულ შენდება 52 კმ-იანი 4 ზოლიანი მაგისტრალური გზა, 51 გვირაბითა და 97 ხიდით. ამ დროისათვის, ტრანსპორტი უკვე ისარგებლებს ახალი 4 ზოლიანი გზის 48 კმ-ით (49 გვირაბითა და 88 ხიდით).

მიმდინარე სამუშაოები, დღეს, ინფრასტრუქტურის მინისტრმა რევაზ სოხაძემ და იმერეთში სახელმწიფო რწმუნებულმა ლევან ზალკალიანმა, მინისტრის მოადგილეებთან, საავტომობილო გზების დეპარტამენტის და ადგილობრივი ხელისუფლების წარმომადგენლებთან ერთად დაათვალიერა.



მშვიდობისა და გადნობის გზა ახალგაზრდებში...

იმედად და სიძლიერედ შემატებოდეთ მამულს!

აღმზრდელ-პედაგოგებმა, მუნიციპალიტეტის ხელმძღვანელებმა. მათ წინ ეროვნული გამოცდები ელოდებოდათ, შემდეგ კი არაერთ „გამოცდას“ ჩააბარებენ. ცხოვრების გზაზე, არაერთხელ მოუწევთ გამკლავება სირთულეებით სავსე რეალობასთან, არც საკუთარი თავის დამკვიდრება იქნება მთლად ადვილი, თუმცა წინ უამრავი სიხარული და მხიარული დღეებიც ელოდებათ, შინაარსიანი და წარმატებული დღეები, წლები...

უფლის ნებითა და წყალობით, თითოეულის თავდადებით, მონდომებითა და ბეჯითობით ყველა სიძნელე დაიძლევა, ყველა ოცნება ასრულდება. ამის დიდი სურვილი აქვს მათ აღმზრდელებს, მშობლებს, ქვეყნისა და ჩვენი ახალგაზრდობის ბედზე დაფიქრებულ ადამიანებს...

„თითოეულ მეთორმეტეკლასელს გილოცავთ თქვენს ცხოვრებაში უმნიშვნელოვანეს მოვლენას, სკოლის დამთავრებას.

დღეიდან თქვენთვის საინტერესო და საპასუხისმგებლო ეტაპი იწყება, ახალი გამოცდილებებით, ურთიერთობებით, ცოდნისა და განვითარების ახალი პერსპექტივებით. ახლა უკვე დამოუკიდებელი ნაბიჯები უნდა გადადგათ ცხოვრების სავალ გზაზე. მინდა წარმატებები გისურვოთ, აგსრულებოდეთ დასახული მიზნები და ყველა მოლოდინი გაგმართლებდეთ!“ — აღნიშნა მანუჩარ რობაქიძემ.

„გილოცავთ სკოლის დასრულებას. გისურვებთ წარმატებას ცხოვრების ახალ ეტაპზე. მომავალი თაობის განათლება და შრომისმოყვარეობა საინდარია ჩვენი ქვეყნის კეთილდღეობისა“ — აღნიშნა საკრებულოს თავმჯდომარე, გიორგი ბარათაშვილმა.

თერჯოლის საგანმანათლებლო რესურსცენტრის ხელმძღვანელი ქეთევან შეყრილაძე:

„ეს დღე ყოველი წლის კალენდარშია, მაგრამ ყოველი ჩვენი თავანის ცხოვრებაში მხოლოდ ერთხელ დგება, თუმცა იმოდენა ემოციის მატარებელია, რომ მთელი შემდგომი ცხოვრების მანძილზე გვეყოფნის...

დღეს „ბოლო ზარია“...

ჩვენს მუნიციპალიტეტში იგი 24 საგანმანათლებლო სკოლის 257 მოსწავლისათვის დაირეკა...

გილოცავთ, კურსდამთავრებულებო...

გამარჯვების გზებით გელოთ!

გილოცავთ, წარმატებული ყოფილიყოს თქვენი პირველი ნაბიჯები ცხოვრების ახალ ეტაპზე!

ახალგაზრდებმა საყვარელ გარემოში გატარებული წლები გაისვენეს, თანატოლებს მისურებზე სამახსოვრო წარწერები დაუტოვეს, მაღლობა გადაუხადეს აღმზრდელ პედაგოგებს და სკოლის კედლები მომავლის წარმატების იმედით დატოვეს.

ეს დღე ჩვენია!..

26 მაისი—საქართველოს დამოუკიდებლობის დღე!

საქართველოში თავისუფლებაზე ოცნება ყველა დროის ყველა ადამიანისათვის საუკუვარი იყო, ამიტომ 80-იანი წლებიდან, როცა თითოეულში ახალი ძალით გაიღვიძა ეროვნულმა თვითმყოფადობის დამკვიდრების ნება—1989 წლის 26 მაისს, საქართველოს ისტორიაში დამოუკიდებლობის დაკარგვის შემდეგ, პირველად აღინიშნა იგი—როგორც დიდი ეროვნული ზეიმი. შემდეგ იყო მრავალპარტიული არჩევნები იმავე წლის ოქტომბერში. 1990 წლის 31 მარტის რეფერენდუმით კი ქართველმა ხალხმა და მთლიანად საქართველოს მოსახლეობამ გამოხატეს ურყევი ნება—აღედგინა საქართველოს დამოუკიდებლობა სწორედ 1918 წლის აქტის საფუძველზე.

1991 წლის 9 აპრილს საქართველოს რესპუბლიკის უზენაესმა საბჭომ მიიღო საქართველოს სახელმწიფოებრივი დამოუკიდებლობის აქტი.

მას შემდეგ, ყოველწლიურად, 26 მაისს, საქართველო ზეიმით აღნიშნავს და იმედით იმისა, რომ გამთლიანებული, განვითარებული, დემოკრატიული ქვეყნის წინსვლას ამიერიდან ვერავითარი ძალა ვეღარ შეაფერხებს.

ზეიმი თერჯოლაში

ბოლო წლებია თერჯოლის მუნიციპალიტეტში საქართველოს დამოუკიდებლობის დღის 26 მაისისადმი მიძღვნილი ღონისძიებები სკანდალს ციხეზე მსვლელობით იწყება. ასე დაიგეგმა ამჯერადაც.

დღის 10 საათზე სახელმწიფო დროშითა და სპეციალურად ამ დღისთვის დამზადებული მაისურებით მუნიციპალიტეტის მერიისა და საკრებულოს პირველი პირები საჯარო მოხელეებთან, თანამშრომლებთან და თანამოსამქმეებთან ერთად გაემართნენ ჩვენი მუნიციპალიტეტის ერთ-ერთი უძველესი ისტორიული ძეგლის სკანდალს ციხისაკენ.

მეოთხე საუკუნის საქარ-

ვისცემას.

თითოეული თერჯოლელი-სათვის უდიდესი პატივია მრავალსაუკუნოვანი ციხის კედლებზე სახელმწიფო დროშის აღმართვა, ეს საპატიო მისია მუნიციპალიტეტის ხელმძღვანელებმა შეასრულეს აპლოდისმენტებისა და ანსამბლ „მასპინძლოს“ „მრავალუამიერის“ ფონზე.

დროშის აღმართვის შემდეგ შეკრებილ საზოგადოებას, ასევე სრულიად თერჯოლას და საქართველოს მიმართა და დამოუკიდებლობის დღე მოულოცა მუნიციპალიტეტის მერმა მანუჩარ რობაქიძემ.

ზეიმი თერჯოლის ცენტრში გაგრძელდა, სადაც მსვლელობას მრავალი ადამიანი შეუერთდა. მუნიციპალიტეტის მერმა მანუჩარ რობაქიძემ და საკრებულოს თავმჯდომარემ გიორგი ბარათაშვილმა პატივი მიაგეს და გვირგვინებით შეამკეს ოთხი ძმის ქუჩაზე საქართველოს დამოუკიდებლობისათვის მებრძოლთა დიდების მემორიალი, გაიხსენეს და აღნიშნეს მათი დამსახურება სამშობლოს წინაშე.

აღსანიშნავია, რომ აქ, უფროსებთან ერთად, მოვიდნენ ძველის საჯარო სკოლის მოსწავლეები პედაგოგებთან ერთად და ქალაქის №1 საბავშვო ბაგა-ბაღის აღსაზრდელები თავიანთ აღმზრდელებთან ერთად...

იმ დღეს თერჯოლელებმა პატივი მიაგეს 80-90-იან წლებში ეროვნულ-განმათავისუფლებელი მოძრაობის ერთ-ერთ ლიდერს ვანო ხუხუნიშვილს, რომელიც თერჯოლის ცენტრში არსებული „ხარების“ სახელობის ტაძრის ეზოში, სწორედ სამშობლოს წინაშე დამსახურებისათვის განისვენებს.

მუნიციპალიტეტის ხელმძღვანელებმა უამრავ ადამიანთან ერთად ყვავილების გვირგვინით შეამკეს ბატონ ვანოს საფლავი.

აღსანიშნავია, რომ გასული წლის 26 მაისს ვანო ხუხუნიშვილის ქუჩაზე, მისი სახლის კედელზე, გაიხსნა მემორიალური დაფა წარწერით: „აქ, გასული

ბელი მოძრაობის ლიდერები და აქტივისტები. ბევრმა არ იცის, რომ სწორედ ამ სახლში 1988 წელს ჩატარდა ეროვნული მოძრაობის პირველი ყრილობა...

საზეიმო ღონისძიება ლაშა გოგიაშვილის სახელობის სკვერში გაგრძელდა, სადაც ზეიმის მონაწილეებს ჰქონდათ შესაძლებლობა დაეთვალიერებინათ და გაცნობოდნენ ხალხური რენვის ადგილობრივ ოსტატებს და მათ ნამუშევრებს. აქვე თვალსაჩინო ადგილას განთავსებული ტურიზმის კუთხე შესაძლებლობებს იძლეოდა დამთვალიერებლები ფოტოებით გაცნობოდნენ თერჯოლის მუნიციპალიტეტში არსებულ ღირსშესანიშნავ ადგილებს.

სკვერში მოწყობილი იყო სამხატვრო სკოლის მოსწავლეთა თემატური გამოფენა, წარმოდგენილი იყო აგრეთვე საზნოს საჯარო სკოლის მოსწავლის ბადრი მოდებაძის საინტერესო ნამუშევრები, აქვე ბავშვებს თუ სხვა მსურველებს შეეძლოთ სახის მოხატვა და ა.შ.

ვიდრე საზეიმო კონცერტი დაიწყებოდა ამფითეატრის



მიმდებარე ტერიტორიაზე, სათანადო ინვენტარით მოწყობილ ადგილებზე, მსურველებს შესაძლებლობა ჰქონდათ მონაწილეობა მიეღოთ სპორტული შეჯიბრებების შემდეგ სახეობებში: შაშვი, ნარდში, ჭადრაკში, მაგიდის ჩოგბურთში და ა.შ.

დღის ორ საათზე, სკვერში, ამფითეატრის მიმდებარე ტე-



საჯარო მოსამსახურეები, უამრავი თერჯოლელი დიდი თუ პატარა.

ღონისძიების წამყვანი მიესალმა შეკრებილ საზოგადოებას, მოულოცა ქვეყნის უდიდესი ეროვნული დღესასწაული მცირეოდენი მიმოხილვით მისი რაობისა და მნიშვნელობის შესახებ და სცენაზე მოიწვია ვოკალური ანსამბლი „მასპინძლო“ (ხელმძღვანელი ინეზა ბუცხრიკიძე), მომღერლებმა ნამდვილად დიდი პატრიოტული მუხტი დაანთეს სიმღერის „მაგრად დაჰკარით“ ომასიანის შესრულებით. შემდეგ კი ქორეოგრაფიულმა ანსამბლმა „იმერეთი“ „მუხტი ცეცხლად“ აქციეს და ცეკვა „ხორუმით“ დაწერილი თუ მოთხრობილი საქართველოს ისტორია საქართველოს სახელმწიფო დროშის

და ზაურ სვანიძე;

მოსწავლე-ახალგაზრდობის ცენტრის ხალხურ საკრავთა ანსამბლი „იმედი“, ხელმძღვანელი ზურაბ რიჟაძე;

სამუსიკო სკოლის გაერთიანებული ანსამბლი „ჭიუხი“, ხელმძღვანელი რამაზ მემანიშვილი.

სამუსიკო სკოლის მოსწავლეთა გუნდი, ხელმძღვანელი გულთამაზე კუბლაშვილი.

თავისუფლებისა და დამოუკიდებლობის დღისადმი მიძღვნილი კონცერტით ადგილობრივმა სიმღერებისა და ცეკვის ანსამბლებმა ძალიან ლამაზი და შინაარსიანი დღე აჩუქეს მაყურებლებს.

ღონისძიების წამყვანმა მადლობა გადაუხადა ღონისძიების ფარგლებში სპორტული აქტივობების მონაწილე ყველა საჯარო სკოლას, რომლებიც ჩართული იყვნენ პროექტში „თავისუფალი თამაშები“ მინი ფეხბურთში, ასევე ქართულ ჭიდაობაში გამართულ შეჯიბრების მონაწილეებს...

მადლობა გადაუხადა ზეიმის მონაწილე ყველა ანსამბლსა და მათ ხელმძღვანელს, თერჯოლის მუნიციპალიტეტის ხელმძღვანელობას.

დასასრულს მაყურებლებს მიმართა მუნიციპალიტეტის მერმა მანუჩარ რობაქიძე: „კიდევ ერთხელ მოგესალმებით ძვირფასო თერჯოლელებო და მოგილოცავთ დიად თარიღს, ვისურვებთ მუდამ გვეზიმიდებოდეს ყველას ერთად. დღევანდელი დღისა და ამ ღონისძიების მნახველსა და შემოქმედს, ყოვლისშემძლე ქართველი ერის ნებასა და თავისუფლების სურვილს წინ ვერავითარი ძალა ვერ გადაეღობება. მოპოვებული თავისუფლების დაცვისათვის მარადიული ბრძოლაა საჭირო და არ შეიძლება ჩვენი გამარჯვებით არ დამთავრდეს... დიას, საქართველო გაიმარჯვებს, ჩვენ ყველანი ერთად შევალთ სოხუმშიც, სამაჩაბლოშიც. ჩვენ ერთად ვიცხოვრებთ გამარჯვებულ, გაბრწყინებულ საქართველოში“...

და ბოლოს ქართველთა უკუდავების ჰიმნით, ულამაზესი „მრავალუამიერით“ დაასრულა „მასპინძლომ“, ლამაზად დანწყებული, დიადი დღის—26 მაისის სწორედ სადარი კონცერტი.

ღონისძიება თერჯოლის მერიის განათლების, კულტურის, სპორტისა და ახალგაზრდული სამსახურის ორგანიზებით მოეწყო.

მზია ციფურიშვილი



თველოს ამ უმნიშვნელოვანეს ძეგლზე სახელმწიფო დროშის აღმართვა ნიშნავს ეროვნული თვითშეგნების და პატრიოტიზმის გამოვლინებას, აგრეთვე ჩვენი ქვეყნის წარსულის ხსოვნას, მის სიყვარულსა და პატი-

საუკუნის 80-90-იან წლებში, გამორჩეული მამულიშვილების მიერ ინერგებოდა საქართველოს უახლოესი ისტორია“. ამ სახლში იკრიბებოდნენ ხშირად ვანო და მისი მეგობრები, ეროვნულ-განმათავისუფლებ-

რიტორიაზე საინტერესო კონცერტის მოლოდინში უამრავმა ადამიანმა მოიყარა თავი. აქ არიან მუნიციპალიტეტის მერიისა და საკრებულოს ხელმძღვანელები, მათი მოადგილეები, სამსახურის უფროსები,

ყოჩაღ ბიჭებო!


ამ დღეებში სასიხარულო ფაქტი გვამცნო ჩვენი მუნიციპალიტეტის სამხედრო განვებისა და რეკრუტირების განყოფილების უფროსმა ვიცეპოლკოვნიკმა ვასილ ტყეშელაშვილმა.

მან ჩვენთან საუბარში აღნიშნა, რომ მუნიციპალიტეტის სამხედრო განვებში—აღიშნულმა გიორგი გოჩას ძე ბელელაძემ (დაბადებული 2007 წელს), ჩხარელმა: ჯუმბერ ავთანდილის ძე დევიძემ (დაბადებული 2005 წელს) და თორნიკე პავლეს ძე კუტივაძემ (დაბადებული 2004 წელს) პირადი ინიციატივითა და ოჯახების მხარდაჭერით რეგისტრაცია ნებაყოფლობით გაიარეს წვედამდელთა შესაბამისი რეგისტრაციის ვებგვერდზე (Conscript.mod.gov.ge) და ჩაირიცხნენ ექვსთვიან ნებაყოფლობით სამხედრო ქვედანა-

ყოფში, ისინი ამჟამად წარმატებულად გადიან სამხედრო სამსახურს სენაკსა და ვაზიანში.


ბატონმა ვიცეპოლკოვნიკმა ამასთან ერთად სიამაყით გვითხრა, რომ სამხედრო განვებისა და რეკრუტირების ეროვნული სააგენტოს სახელით, გულწრფელი მადლიერება გვსურს გამოვხატოთ თქვენი ოჯახის წევრის მიერ წვედამდელთა ეროვნულ სამხედრო სამსახურში ნებაყოფლობითი მსახურის გადაწყვეტილების მიღებისთვის.

წერილში აღნიშნულია, რომ „სამხედრო განვებისა და რეკრუტირების ეროვნული სააგენტოს სახელით, გულწრფელი მადლიერება გვსურს გამოვხატოთ თქვენი ოჯახის წევრის მიერ წვედამდელთა ეროვნულ სამხედრო სამსახურში ნებაყოფლობითი მსახურის გადაწყვეტილების მიღებისთვის. მისი მზადყოფნა ემსახურ-



როს ჩვენს ქვეყანას, უდიდეს პატივისცემასა და დაფასებას იმსახურებს. გვესმის, რამდენად მნიშვნელოვანია ეს ნაბიჯი თქვენთვის და ჩვენ ვაფასებთ მხარდაჭერას ამ მნიშვნელოვანი გადაწყვეტილებისათვის.

საქართველოს თავდაცვის ძალებში მსახური, არა მხოლოდ ქვეყნის უსაფრთხოების გან-



მტკიცებას ემსახურება, არამედ აძლიერებს ახალგაზრდების პასუხისმგებლობას და უყალიბებს მათ დამოუკიდებლობასა და პროფესიონალიზმს.

გვჯერა, რომ თქვენი შვილი ღირსეულად და წარმატებით გაართმევს თავს ამ საპატიო მოვალეობას.

კიდევ ერთხელ გიხდით მად-



ლობას თქვენი შვილის მიერ გამოჩენილი მაღალი მოქალაქეობრივი პასუხისმგებლობისათვის.

გისურვებთ ჯანმრთელობას და კეთილდღეობას.

წარმატებებს გისურვებთ ბიჭებო!

გახსოვდეთ ვისი გორისა ხართ!

საანგარიშო კონცერტი დამოუკიდებლობის დღეს მიეძღვნა

ყველა თერჯოლელი ინტერესით ადევნებს თვალს ვაჟა კუბლაშვილის სახელობის სამუსიკო სკოლის შენობისა და მიმდებარე სკვერში სარემონტო-სარეკონსტრუქციო სამუშაოებს და იმედოვნებს, რომ ახალი სასწავლო წლიდან სკოლის მოსწავლე-ახალგაზრდობა და აღმზრდელი პედაგოგები ღვაწლად, კომფორტულ, თანამედროვე სტილის შენობაში განაახლებენ მუშაობას. მანამდე კი, წლის შემაჯამებელი საანგარიშო კონცერტი, რომელიც საქართველოს დამოუკიდებლობის დღეს მიეძღვნა კვლავ საბავშვო ბიბლიოთეკის სამკითხველო დარბაზში გაიმართა, სადაც სასწავლო პროცესს და ყველა სახის აქტივობას მთელი სასწავლო წლის მანძილზე წარმართავდნენ.

შეკრებილ საზოგადოებას, სტუმრებს, მუნიციპალიტეტის მერს მანუჩარ რობაქიძეს და მოსწავლეთა მშობლებს მიესალმა სკოლის დირექტორი ვალერი კუბლაშვილი, მიულოცა საზეიმო თარიღი, ბედნიერება და კეთილდღეობა უსურვა თითოეულს.

საზეიმო კონცერტს უძღვეოდა პედაგოგი ნორა პერანი-

შემდეგ კი ერთმანეთს ენაცვლებიან სიმღერებისა და მუსიკალური ნაწარმოებების შემსრულებლები: ხალხურ საკრავთა ანსამბლი, ხელმძღვანელი რამაზ მემანიშვილი, ცალკეული შემსრულებლები: სესილი გოგიაშვილი, ანანო მაკარიძე, მარიამ ჩუბინიძე, ილია რობაქიძე, ონისე ასამბიანი, ანამარია კვატაია, მარიამ გვენეტაძე, სა-

ნაწლები კომპოზიტორ გიგაურის ნაწარმოებით, პედაგოგი მაკა კუტივაძე, თათია აბესაძე-ილუსტრატორებთან ვალერიან და გულთამაზ კუბლაშვილებთან ერთად ცაბაძის ნაწარმოებით, შემდეგ ისევ ხალხურ საკრავთა ანსამბლი აჭარულის მელოდიებით.

კომპოზიტორების: ივანოვას, თაქთაქიშვილის, მერაბიშვილის, კახა ცაბაძის, ბერკოვიჩის მუსიკალურ ნაწარმოებებს ასრულებდნენ: მარიამ რობაქიძე, ელენე უბირია, თეკლა ცხადაძე, ელენე ბარბაქაძე, პედაგოგები: ნორა პერანიძე, ცხადაძე, გიული გრძელიშვილი, დალი ჯიხაძე.

თითოეულმა მათგანმა წარმოადგინა საკონცერტო ნომრები აჩვენა, რომ სკოლაში, მიუხედავად ხიზნად ყოფნისა, ნაყოფიერი, შემოქმედებითი სასწავლო წელი ჰქონდათ, მნიშვნელოვანი ნაბიჯებიც გადადგეს მუსიკის, ხელოვნების ამ უმნიშვნელოვანესი დარგის გაცნობა-დაუფლების გზაზე. ამასთან ჰქონდათ გამოსვლები, ქვეყნის მასშტაბით სხვადასხვა ფესტივალებში, კონკურსებსა თუ კონცერტებში, საიდანაც გამარჯვებული და სხვადასხვა ჯილდოებით გახარებულები ბრუნდებოდნენ.

სამუსიკო სკოლის კონცერტი შეაფასეს, მადლობა გადაუხადეს ამ დღის თითოეულ მონაწილეს, სკოლის პედაგოგებს და შემდგომი წარმატებები უსურვეს: მაკა ასათიანმა, მერიის განათლების, კულტურის, სპორტისა და ახალგაზრდულ საქმეთა სამსახურის უფროსმა, მამა ანდრიამ (ყიფიანი), გია გიორგაძემ—საკრებულოს კულტურისა და სპორტის კომისიის თავმჯდომარემ. შორენა ბოჭორიშვილმა, სახელოვნებო განათლების ცენტრის უფროსის მოადგილემ, რომელმაც თავის მხრივ მადლობა გადაუხადა მუნიციპალიტეტის მერს მანუჩარ რობაქიძეს იმ დახმარებისა და თანადგომისათვის, რასაც სამუსიკო სკოლის და საერთოდ, კულტურის სფეროს მიმართულებით იჩენს. რუსუდან ნიშნიანიძემ, საბავშვო ბიბლიოთეკის ხელმძღვანელმა ასევე მადლობა გადაუხადა სამუსიკო სკოლის დირექტორსა და პედაგო-



გებს განუვლი მუშაობისათვის და გამოხატა მადლიერება მუნიციპალიტეტის მერისა და მისი გუნდის მისამართით.

„შეიძლება ითქვას ესაა საუკუნის პროექტი“, ასე დაიწყო თავისი სამადლობელი სიტყვა სამუსიკო სკოლის დირექტორმა, „რადგან რაც სკოლა არსებობს მას ასეთი მასშტაბური

ნაღიზმისათვის, საქმის ერთგულებისათვის. ჩვენ ყოველთვის მივცხადებთ და დავაფასებთ თქვენს წინსვლასა და წარმატებებს...

მადლობა თითოეულ მოსწავლეს, რომელიც დღეს ასე მონაწილეობით და სიყვარულით ასრულებდა თავის სიმღერას თუ მუსიკალურ ნომერს. მართალია,



რემონტი არ ჩატარებია, არ ვიცით მადლობა როგორ გამოვხატოთ, ყველანი ბედნიერები ვართ, ასეთია პედაგოგთა, მოსწავლეთა და მათი მშობლების აზრი, ის კი არა ისეთი ადამიანები მილოცავენ და ინტერესდებიან, როდის დასრულდება სკოლის რემონტი, არავითარი შეხება რომ არ აქვთ ჩვენს სკოლასთან“...

მანუჩარ რობაქიძე: „მოგესალმებით ყველას, მოგილოცავთ დღევანდელ დღეს. მოგილოცავთ ასევე საქართველოს დამოუკიდებლობის დღეს, გილოცავთ თქვენს შემაჯამებელ ღონისძიებას, რომელიც შეძელით ნამდვილად მაღალ დონეზე წარმოგედგინათ.

მადლობა ასეთი პროფესიო-

რემონტი სკოლისა ცოტა გაჭიანურდა, თუმცა გაბრუნებით ახალ სასწავლო წელს სწავლას თქვენს კეთილმოწყობილ შენობაში შეუდგებით, შემდეგ საშემოდგომო კონცერტს უსათუოდ სკოლის განახლებულ სცენაზე ჩატარებთ. თუ რაიმე შენიშვნა გაქვთ, შენობის თუ ეზოს მოწყობასთან დაკავშირებით გვითხარით და ისე დავასრულებთ, როგორც თქვენთვის, საზოგადოებისთვის იქნება მოსაწონი.

კიდევ ერთხელ მადლობა ბავშვებო, მშობლებო, პედაგოგებო, თქვენ ხართ ჩვენი ქვეყნის სიძლიერე...

ყველაფერი იქნება კარგად, როცა ასე ერთად ბევრ კარგ საქმეს გავაკეთებთ“.

მზია ციფურიშვილი



ძე. საქართველოს ჰიმნის საუკეთესო შესრულებისათვის სამუსიკო სკოლის მოსწავლეები (ხელმძღვანელი გულთამაზ კუბლაშვილი) მხურვალე აპლოდისმენტებით დაჯილდოვდნენ.

ბა ბარათაშვილი, შესრულდა ბერაძის, ფოცხვერაშვილის, ცაბაძის, კარკასის, ბზვანელის ნაწარმოებები, პედაგოგები: რობაქიძე, მაკა კუტივაძე, გულთამაზ კუბლაშვილი, სოლო სიმღერის განყოფილების მოს-



„ვირჩევ პროფესიას“—რესურსცენტრის პროექტი თაობის პროფესიული ორიენტაციისათვის

თერჯოლის პირველი საჯარო სკოლა

ინტეგრირებული ღია გაკვეთილი თერჯოლის №1 საჯარო სკოლაში (დირექტორი ელისო მურადაშვილი) ჩატარდა X¹ კლასში მათემატიკასა და სამოქალაქო განათლებაში (პედაგოგები მათა ბარათაშვილი, უჩა გვენეტაძე).

გაკვეთილის თემა იყო „სახელმწიფო და ეკონომიკა“. მიზანი: მოსწავლეებს დაესახელებინათ და აეხსნათ სახელმწიფოს ძირითადი ეკონომიკური ფუნქციები. მაგალითად გადასახადების აკრეფა, გადანაწილება, ინფრასტრუქტურა და სოციალური დაცვა. განესახიერებინათ სხვადასხვა ეკონომიკური იდეოლოგიის (მემარცხენე, მემარჯვენე) პრინციპები და შეეფასებინათ

მათი გავლენა საზოგადოებაზე. წარმოედგინათ მონაცემები ცხრილებსა და დიაგრამებში, აღერიცხათ ბიუჯეტის ნაწილის ხარჯვა და შედეგები.

მოსწავლეებმა გადანყვეტილებების მიღება მოახდინეს მათემატიკური ანალიზის საფუძველზე, შეაფასეს შესაძლო შედეგები და შეარჩიეს ოპტიმალური ვარიანტები.

გაკვეთილზე განხორციელდა აქტივობები—მოიხილეს მემარჯვენე და მემარცხენე იდეოლოგიები, მათი წარმატებული მოდელების ანალიზი, ეკონომიკური იდეოლოგიების დადებითი და უარყოფითი მხარეები.

ლევბა პრეზენტაციის სახით წარმოადგინეს რა დანიშნულება ჰქონდა საადგილმამულო-სათავადაზნაურო ბანკს იმდროინდელი ქართული საზოგადოებისათვის და რა მნიშვნელობა აქვს ქვეყნის ეკონომიკურ სუვერენიტეტს ეროვნული ბანკის სახით.

როლური თამაში „SHARK TANK“-ის ანალოგიით სოციალურ მენარმეების პრინციპებზე დაყრდნობით, მოსწავლეთა ორ ჯგუფს ჰქონდა მინოდებული ორი ბიზნეს იდეა, რომელიც ამ იდეის პოტენციურ „დამფინანსებელთა“ ანუ დამსწრე საზოგადოების წინაშე უნდა წარედგინათ SWOT ანალიზის პრინციპის გამოყენებით.

ბიზნეს იდეები

„ადგილობრივი ხელნაკეთი პროდუქციის ონლაინ პლატფორმა და სოციალური საწარმოს შექმნა“, „ალტერნატიული ენერგიით მომარაგებული სარეკრეაციო სივრცე“. მოსწავლეებმა აღნიშნეს სოციალური მენარმეობის როლის ზრდის პოზიტიურობა ქვეყნის ეკონომიკური პოტენციალის პროგრესის გზაზე, როგორც ინსტრუმენტის, რომელიც მოწვევლად ჯგუფებს სთავაზობს საკუთარ როლს და ადგილს საზოგადოების სასარგებლო საქმის საკეთებლად, ასაკის, მრწამსისა თუ ეთნიკური კუთვნილების მიუხედავად. და კიდევ ერთხელ გაიხსენეს ილია—„საქმე, გარჯა და მხნეობა“. ღონეც ამაშია ადამიანისა და ძლიერება. უამისოდ არც ფულია ღონის მიმცემი, არც უფულობაა ღონის დამკლავი“.

ღია გაკვეთილი მალალ დონეზე შეაფასა კომისიამ. ითქვა, რომ გაკვეთილმა მიზანს მიაღწია.

საზანოს საჯარო სკოლა

დიპლომატიური გადაწყვეტილებები მათემატიკური მოდელებით

საგანმანათლებლო რესურსცენტრის პროექტის „ვირჩევ პროფესიას“ ფარგლებში საზანოს საჯარო სკოლის (დირექტორი მამუკა მექვაბიძე) IX კლასში, სადაც 15 მოსწავლეა, მათემატიკის მასწავლებელმა მადონა ჭანტურიძემ ჩაატარა ღია გაკვეთილი მათემატიკაში—დიპლომატიური გადაწყვეტილებები მათემატიკური მოდელებით. მასწავლებელმა მოსწავლეებს გაკვეთილისათვის მზადების პროცესში უთხრა და ღია გაკვეთილზეც გაიმეორა, რომ მათემატიკა და დიპლომატია ერთი შეხედვით განსხვავებული სფეროებია, მაგრამ მათ შორის გარკვეული კავშირი მაინც არსებობს. ორივე დისციპლინას სჭირდება ლოგიკური აზროვნება, ანალიზი, სტრატეგია და პრობლემების გადაჭრის უნარი.

ნათლად გამოკვეთა გაკვეთილის მიზანი: მოსწავლეებს ერთმანეთთან უნდა დაეკავშირებინათ მათემატიკა და დიპლომატია.

წინარე ცოდნის გააქტიურების მიზნით მასწავლებელმა დასვა კითხვები: რა არის დიპლომატია, ხომ ვერ დამისახელებთ რამდენიმე დიპლომატიურ ხელშეკრულებას? რომელი

ომის დასრულების შემდეგ და რამდენ ხანს გაგრძელდა ვერსალის კონფერენცია? ვერსალის საზოგადოებრივი პირობებით რომელი ქვეყანა გამოვიდა ყველაზე მეტად დაზა-

რალებული? რა სახის ზარალი განიცადა გერმანიამ?

მოსწავლეებმა გამოთქვეს სხვადასხვა ვერსია, პარალელურად მასწავლებელი ავსებდა ასოციაციურ რუკას. მოსწავლეებმა ფაქტების დასახელება შეძლეს, რომელიც ისტორიის გაკვეთილზე ჰქონდათ ნასწავლი. კონკრეტულად რა სახის ზარალი განიცადა გერმანიამ გამოსახული რიცხვებში, მის დადგენას მასწავლებელი სხვადასხვა აქტივობებით შეეცადა. ჩაატარა ვერსალის ხელშეკრულების სიმულაციური გათამაშება. მოსწავლეები, შემდეგ ვითარებაში პრინციპით მოთავსდნენ თავიანთი ქვეყნების მაგიდასთან, სადაც მათ დახ-

ვდათ ქვეყნების პოზიცია გერმანიის მიმართ.

მიუხედავად იმისა, რომ კონფერენციას არ ესწრებოდა დამარცხებული ქვეყნების წარმომადგენლები, გერმანია მოწვეულ იქნა, რათა მოეხდინათ ზავის პირობების ჩანიშვნა და გამოთვლა.

გერმანიას 1921 წელს დააკისრეს 132 მილიარდი ოქროს მარკის გადახდა. მოსწავლეებს რომ გაეგოთ რამდენად დიდი იყო ეს თანხა, გამოსახეს დოლარებში. 1921 წლის კურსით 1 დოლარი იყო 4,2 ოქროს მარკის ტოლფასი. გამოთვლების თანახმად მთლიანი თანხა გამოვიდა 31,4 მილიარდი დოლარი.

გამარჯვებული ქვეყნების

პრემიერ მინისტრებმა წაიკითხეს თავიანთი ქვეყნების პოზიცია და გერმანიის წარმომადგენლებმა მოახერხეს მათი რიცხობრივი გამოთვლა.

გამარჯვებული ქვეყნების მოთხოვნები

საფრანგეთი ითხოვდა გერმანიის სამხედრო შეზღუდვებს და რაინის განიარაღებას, ელზას, ლოტარინგიის და სარის ტერიტორიების დაბრუნებას და დაწესებული გადასახადებიდან 50%-ის გადახდას.

დიდ ბრიტანეთს არ სურდა გერმანიის სრული ეკონომიკური განადგურება, იგი ითხოვდა საზღვაო ძალების შეზღუდვას და გადასახადის 22%-ის გადახდას.

8

მშვიდობისა და ბედნიერების გზა ახალგაზრდებო... ბოლო ზარი! ბოლო გაკვეთილი!

20 მაისი...

სიხარულითა და სევდით გაჯერებული ბოლო ზარის დღე და მანინც ულამაზეს-უდიადესი თითოეული კურსდამთავრებულისათვის.

ხვალ სხვანაირად გათენდება მათ ცხოვრებაში.

ხვალ სხვანაირად შეეგებებიან მზის ამოზნექილობით გაცისკროვებულ არეზარეს, სხვა ფიქრები მოეძალებათ, ახალი ცხოვრების დასაწყისს რომ ახლავს თან...

ამ დღეს ისევ სკოლას ეკუთვნის და სკოლაც მათია ისევ, ამიტომ ის მომენტი, როცა თავდავინებამდე სიყვარულით უნდა მიესაუბრონ, მოეფერონ თითოეულ დღეს, რომელიც აქ, ამ საოცარ სამყაროში გაატარეს 12 წლის განმავლობაში, მოეფერონ პედაგოგებს, თანაკლასელებს. ჯერ ისევ ბავშვურად, მიაბიჭურად ისაუბრონ ფიქრებზე, განცდებზე, შთაბეჭდილებებზე, რომელიც სამუდამოდ მათში დარჩება და ვერაფერი წაშლის მათი გონებიდან...

ადრე სკოლის კურსდამთავრებულთა ბოლო ზარი ასოცირდება ბოლოდ წარწერებთან მაისურებთან, საზეიმო მსვლელობებთან, ავტომობილების ხმაურთან სიგნალებთან, შემდეგ კი საბანკეტოდ გამოპრანჭულ ქალ-ვაჟებთან, თუმცა ბოლო წლებში ეს გარკვეულწილად შემოქმედებითი საღამოებით შეიცვალა. ამის დასტური იყო თერჯოლის №2 საჯარო სკოლის 48-ე კურსდამთავრებულთა ბოლო ზარისადმი მიძღვნილი ღონისძიება, რომელიც კულტურის სახლის დარბაზში გაიმართა.



თანაკლასელთა წარწერებით აჭრელებული თეთრპერანგისი გოგო-ბიჭები უკვე სცენაზე იყვნენ, როცა შეკრებილ საზოგადოებას მიესალმა კლასის დამრიგებელი სოფო სიუკავეა, მან მადლობა გადაუხადა მოწვეულ სტუმრებს, კურსდამთავრებულებს, მათ შობილებს, მადლობა გადაუხადა მე-11 კლასის მოსწავლეებსა და ხელმძღვანელებს, სკოლის დირექციას, ყველას, ვინც გვერდით დაუდგა მეთორმეტეკლასელებს, რომ ეს დღე მათ ცხოვრებაში ყოფილიყო ლამაზი და დაუვიწყარი. შემდეგ სკოლის დირექტორი ფიქრია დემეტრაშვილი მიესალმა და მადლობა გადაუხადა სტუმრებს და საზეიმო ღონისძიებაც დაიწყო.

სცენარის მიხედვით ყველაფერი ლამაზად გაიარეს... კურსდამთავრებული გოგო-ბიჭები ლექსებითა და პროზაული ტექსტებით ისხებდნენ 12 წლის წინ დედასთან ერთად სკოლაში მისვლის პირველ დღეს, პირველ ზარს, პირველ მასწავლებელთან შეხვედრის მომენტს, ისხებდნენ სასკოლო ცხოვრების ლამაზ წუთებს, სიყვარულის, სიხარულის, სიცხელქის, სიზარმაცისა თუ სიბეჯითის იმ 12 წელიწადს, რომელსაც ვერასოდეს დაივიწყებენ. ეს წლები ხომ მათი ბიოგრაფიის მარადიული ნაწილი გახდა და ვერც ერთი მოგონება ვერ შეედრება იმ წლების მოგონებებს.

ყველაფერი ისეა ლამაზად ანონილ-დანონილი და დალაგებული-გადმოცემული საუკეთესო ახალგაზრდობას რომ შეჰყვრის, როცა რომანტიზმი, სიყვარულის სიდიადე და ნოსტალგია ერთმანეთშია გადანასკვული, როცა ფიქრობ რომ მართლაც აქ იწყება და აქ მთავრდება სამყარო.

ამის პარალელურად, ჩართვებით, იყო ერთმანეთზე საუკეთესოდ მომზადებული სასიმილო თუ საცეკვაო ნომრები, არ შემოძლია განსაკუთრებული ხაზგასმით ვარ აღვნიშნო ახოვანი ვაჟების და ულამაზესი გოგონების მიერ შესრულებული ოსურ-აფხაზურ-ქართული ცეკვების პოპური, გულგრილი, ცრემლები გარემო რომ ვერ უყურებდით.

შემდეგ იყო არაჩვეულებრი-

ვად ლამაზი პოეზიის ბლოკი...

იყო სიცრუის დეტექტორი და სიცრუეში „გამოჭერილი სოფო მასწავლებელი“.

მოსდგენილი იუმორიც ალამაზებდა და ახალისებდა დარბაზს...

თუმცა, თურმე ყველაფერი ჯერ წინაა.

წამყვანმა ყველასათვის საყვარელი ქართული კინოფილმის „სიყვარული ყველას უნდა“ თერჯოლური ვარიანტის ჩვენება დააანონსა და დარბაზს სიამოვნების ემოციამ გადაუარა. ამ სკოლაში სახალისო მოკლემეტრაჟიანი ფილმების გადაღება ჩვენება, რომელიც კარგად ხელსძინებდა, უკვე ჩვეულებრივი ამბავია.

შთაბეჭდავი და სახალისო იყო ფილმის პირველივე კადრები, რომელშიც ახლანდელი კურსდამთავრებული გოგო-ბიჭები მონაწილეობდნენ. დარბაზში ხშირად გაისმოდა მოსონების შეძახილები და აპლოდისმენტები, ისე, როგორც ღონისძიების დაწყებიდან ყველა ნომრის წარმოდგენისას...

ძალიან კარგად მოუვრიათ როლები, მერჩეული „მსახიობები“ ხომ საერთოდ სასურველის ნამდვილი მიგნებაა. ყველა სცენა ერთმანეთზე უკეთესია და მხიარული...

დიდხანს არ წყდებოდა აპლოდისმენტები...

თანამედროვე უცხოურ ჰიტებზე აცეკვებული გოგო-ბიჭებიც ძალიან საყვარლები იყვნენ...

ნომინაციების დაჯილდოებაც კარგად მოფიქრებული იუმორისტული ნომერი იყო...

და მაინც ყველაფერი გადაწონა ქართულის ბოლო გაკვეთილმა...

სოფო სიუკავეა ამ კლასის დამრიგებელი და ქართული ენისა და ლიტერატურის მასწავლებელი იყო მე-5 კლასიდან ბოლომდე და ეს იყო მისი პირველი სადამრიგებლო კლასი. ყველა გაკვეთილი და მათი ყველა შეხვედრა სწავლა-აღზრდის განსაკუთრებული სინთეზი იყო, რომელიც მასწავლებელსა და მოსწავლეებს შორის გულწრფელ მეგობრობაზე, სიყვარულზე, ურთიერთგაგებასა და ურთიერთნდობაზე გადიოდა.

ერთად გაიარეს სასკოლო

ცხოვრების 8 წელი, ერთად გაინაწილეს წარმატებების თუ წარუმატებლობასთან დაკავშირებული სიხარული თუ ტკივილი.

იყო ფერადი დღეები, ერთმანეთს არც ერთი არ გავდა, იყო პრეზენტაციები, კომპლექსურები, პროექტები, ექსპერიმენტები, ექსკურსიები, ეს ყველაფერი კი მათ სასკოლო ცხოვრებას ულამაზეს ხდიდა. აქ არ იყო გარჩევა ვინ იყო განსაკუთრებულად წარმატებული ან ჩამორჩენილი. სასწავლო წლის დასასრულს დამრიგებელი, რომელიც ყოველწლიურად საზეიმო ხასიათს აძლევდა, ყველა ბავშვი იმის მიხედვით იღებდა წამახალისებელ სიგელს, რაც განსაკუთრებით კარგად გამოუდიოდა... ვინ ქართულის, მათემატიკის, უცხო ენის და ა.შ. კარგად სწავლისათვის, ვინ კიდევ სპორტის, ცეკვის, სიმღერისათვის, მეგობრობისთვისა და ა.შ. ყველა იყო ბედნიერი და გახარებული.

როგორი დამოკიდებულება იყო მასწავლებელსა და მოსწავლეს შორის ეს ღონისძიებაზე მოსწავლეების მიერ არაერთგზის გაცხადებულმა სიყვარულმა და შეფასებამ კარგად აჩვენა.

ბოლო გაკვეთილის ზარი დაირეკა, სოფო მასწავლებელი ქართულის გაკვეთილს ატარებს: „ძვირფასებო, ადამიანისათვის უმთავრესი ღირებულებებით ცხოვრებაა, სხვა შემთხვევაში ის ვერ მოახერხებს იცხოვროს ღირსეულად. სკოლა ის ადგილია, სადაც საგანთან ერთად ღირსეულ ადამიანად ჩამოყალიბებას უწყობენ ხელს. ჩვენ ერთად 8 წელი გავატარეთ. ამ ხნის განმავლობაში იყო სირთულეებიც, წარმატებებიც და მაიც ერთმანეთის გვერდით დგომით ბევრი რამ შეცვლით. ახლა დადგა დრო ხელი გაგიშვათ გულდამშვიდებულმა, რომ ღირებულებებით სავსეს გიშვებთ და შეძლებთ თქვენი ადგილი დაიმკიდროთ ცხოვრებაში, გაუკვალავი გზები გაკვალოთ და ისე იცხოვროთ, რომ თქვენი კვალი დატოვოთ“.

ბოლო გაკვეთილი ერთგვარი შეჯამება იყო იმ ყველაფრისა, რასაც ყოველდღიურად სწავლობდნენ და რაც ყველა სავნის სწავლას გადაწონის. ეს იყო

ერთგვარი გზამკვლევი მთელი ცხოვრების მანძილზე, რომ გამოადგებათ, ამ ახალგაზრდებს, ყველაფერზე ამაღლებული და ღირებული რომაა და თითოეული ქართველის სულსა და გულს უნდა ჰქონდეს ოქროს ასოებით ამოვკირისტებული...

ბოლო გაკვეთილმა აჩვენა, რომ თერჯოლის №2 საჯარო სკოლის წლებადელ კურსდამთავრებულთა შემთხვევაში მართლაც ასეა...

„უმთავრესი ღირებულება, რომელსაც გატანთ ქვეყნის სიყვარულია, თითოეულ თქვენგანს უნდა გააჩნდეს სამოქალაქო პასუხისმგებლობა და ზესახელმწიფოებრივი აზროვნება, უნდა გააცნობიეროთ რომ კონკრეტულად იგია ქვეყნის პატრონი და მოუარეთ ახალგაზრდებო საქართველოს“, შემდეგ მან ახალგაზრდებს შეახსენა, რომ ჩვენი ქვეყნის ეროვნული ღირებულება, რამაც დღემდე მოგვიყვანა „მამული, ენა და სარწმუნოება“, რომ ისტორია უნდა ისწავლონ ძალიან კარგად. დაიმასხვრონ თითოეული ადამიანის მოვალეობა რომაა სავალი გაუადვილოს შემდეგ თაობებს, რომ წუთისოფელთან ბრძოლა საჭირო, ცხოვრებაში სიყვარულია მთავარი და ა.შ.

„მოსწავლეები“ კი ამის საპასუხოდ ისხებდნენ გამოჩენილ ადამიანთა გამონათქვამებსა თუ სტრიქონებს გონივრულად, გააზრებულად და განამტკიცებდნენ აზრს, რომ კარგი მოძღვრის კარგი შეგირდები არიან... ანუ ბოლო გაკვეთილზე ბოლო „გამოცდაც“ წარმატებით ჩააბარეს, რომ ცხოვრებაში „ივარგებენ“...

ტკივილით და სევდით გაიხსენეს თავიანთი პირველი მასწავლებელი, ეთერ თურქაძე, ჩვენი ეთერი მასწავლებელი ეტალონი იყო მასწავლებელთა შორის, ღირსეული თბილი და განათლებული. არასოდეს დაგივიწყებთ ძვირფასო მასწავლებლო!

გვინდა მადლობა გადაგიხადოთ ყველას, ვისაც ჩვენს აღზრდაში წვლილი მიგიძღვით, უპირველესად ჩვენს დამრიგებლებს: სოფოს, მაკას, მაიას, მირანდას... გვიყვარხართ უზომოდ. მადლობა აგრეთვე თქვენ, ფიქრია მასწავლებლო, რუსუდან მასწავლებლო, მა-

დონა მასწავლებლო, თეა მასწავლებლო, მადლობას გიხდით თავდადებული შრომისათვის, ჩვენო მასწავლებლებო, დირექციის წარმომადგენლებო, ჩვენს ცხოვრებას გაჰყვება თქვენს გვერდით გატარებული ბედნიერი წლები, როგორც საყრდენი, საფუძველი მომავლისა და თბილი და ტკბილი მოგონება ბავშვობისა...

დღევანდელი დღე ასეთი ვერ იქნებოდა, რომ არა ჩვენი პედაგოგები: სოფო სიუკავეას, თეა რიყამაძის, ინეზა ბუცხრიკიძის, ირაკლი ლილუაშვილის, ჭანკვეტაძეების დიდებული ოჯახის თავდადებული შრომა, მადლობა კულტურის სამსახურს გვერდით დგომისთვის, მადლობა ანა დევიძეს ვიტარით ჩვენი საღამოს გალამაზებისთვის.

№2 საჯარო სკოლის 36-მა წარმატებულმა კურსდამთავრებულმა, ერთ-ერთი საუკეთესო, მხიარული და შინაარსიანი დღე აჩუქეს მაყურებლებს და საკუთარ თავსაც.

№2 საჯარო სკოლის კურსდამთავრებულთა ბოლო ზარის ზეიმს უამრავ მაყურებელთან ერთად (ანუ რამდენის დატევაც შეძლო კულტურის სახლის დარბაზმა) დაესწრნენ მუნიციპალიტეტის მერი მანუჩარ რობაქიძე, საკრებულოს თავმჯდომარე გიორგი ბარათაშვილი, საგანმანათლებლო რესურსცენტრის ხელმძღვანელი ქეთევან შეყრილაძე. დასასრულს ისინი სცენაზე მიიხმეს.

ქეთევან შეყრილაძემ, გიორგი ბარათაშვილმა და მანუჩარ რობაქიძემ სკოლის დამთავრება და ცხოვრების ასპარეზზე გასვლის უმნიშვნელოვანესი, ლამაზი დღე მიულოცეს როგორც ამ სკოლას, აქ მოზიგე გოგო-ბიჭებს, აქედან მიულოცეს აგრეთვე დანარჩენი სკოლების კურსდამთავრებულებს, როგორც თერჯოლაში, ასევე სრულიად საქართველოში. უსურვეს ბედნიერ, გაბრწყინებულ და თავისუფალ ქვეყანაში ცხოვრება. „მომავალი თქვენი, ძვირფასო კურსდამთავრებულებო, იდღეგრძელებთ და თქვენი აზრით დადეთ ქვეყნის უკეთესი მომავლის შექმნაში, გვეიმედებით“...

მზია ცაიფურიშვილი

იმედად და სიძლიერედ შემატეხოდეთ მამულს!

ოცი კურსდამთავრებული, ოცი ფოიერვერკი და ათასი მადლობა

ძვერის საჯარო სკოლაში ყოველი დღე გამორჩეულია, მაგრამ ოც მაისს, ბოლო ზარის ზეიმს, განსაკუთრებული სიზმარითა და ელფერი ახლდა. ტერიტორია, სადაც ახალი სკოლის მშენებლობა მიმდინარეობს, შემოფარგლულია. შორიდან თვალში არ მოგხვდებათ „ურიცხვი“ ეროვნული დროშა, რომელიც ყოველდღიურად ფრიალებს სკოლის ეზოში, მაგრამ სკოლის დირექტორი მანუჩარ ფანჩულიძე ბოლო ზარის ზეიმს დროშის გარეშე როგორ ჩაატარებდა!

დირექტორის თვალი და ყური, სხვადასხვა დროს მისული სტუმრებისაკენ იყო მართებული. მხედველობიდან არავინ და არაფერი გამორჩენია, ბოლო ზარის ზეიმს და

სამსახურის იმერეთის რეგიონალური სამსახურის ხელმძღვანელი გია ლილუაშვილი, სკოლის ყოფილი დირექტორი ავთო ჯიბლაძე, ყოფილი კურსდამთავრებულები, ახალი სკოლის მშენებლები, მოსწავლეთა მშობლები, სოფლის მოსახლეობის დიდი ნაწილი, მერიისა და საკრებულოს პასუხისმგებელი მუშაკები.

ზეიმის დაწყებამდე შეხვდნენ კურსდამთავრებულთა მშობლებს: ლელა ფანჩულიძე (ავთანდილ ყურაშვილის დედა) „ავთო ნიჭიერი, მაგრამ ცოტა ზარმაცია. ისტორიის ფაკულტეტზე აბარებს ეროვნულ გამოცდებს. ოჯახი მხარს უჭერს მის გადამწყვეტილებას. ძალიან უყვარს სკოლის ღონისძიებებში მონაწილეობა. სპექტაკლში „მე, ბებია, ილი-

ძვერის მკვიდრი, პოლკოვნიკი დონი ფანჩულიძე ადრე მოვიდა, მან ვრცელი სიტყვა წარმოთქვა, სკოლის ისტორია და წარსული გაიხსენა, მაგრამ ეს სიტყვა არ ყოფილა მოსაწყენი, პირიქით, მოუხდა ზემსაც და სკოლის იუბილესაც. მანამდე კი თქვა: „იმედიანად ვარ, მიუხედავად არასახარბიელო დემოგრაფიული ვითარებისა, ქართველი არ გადაშენდება, არ დაეცემა, შენარჩუნდება ტრადიციები, ჩვენი მამული, ენა და სარწმუნოება. ჩემი თაობაც ცდილობდა მყარი ცოდნა მიეღო, სხვანაირი იყო მოსწავლე-მასწავლებლის დამოკიდებულება. მახსოვს, კლასის დამრიგებელი სამეცადინო კუთხის შესამოწმებლად რომ მოვიდა სახლში, დავიმალე. პატრიოტი თაობა

პირველკლასელები, საიმედო ცვლა და მეთერთმეტე კლასელები. „სტუმრებს კარგი ფენი აქვთ“—იხუმრა მანუჩარმა. შარშანდელი შედეგები ალბათ განმეორდება.

მრავალფეროვანი, საინტერესო და საქმიანი იყო ღონისძიების პროგრამა, ყველაფერს, სტუმრების და მასპინძლების გამოსვლებს, ლექსს, სიმღერას, ცეკვას, პატრიოტული სული და იმედი გასდევდა, შმაგი სოფრომადის „ძვერულას ნაპირებზე“ მორენალი ბიჭის“, დიდ სამამულო ომში დაღუპული 160 ძვერელის, გარდაცვლილი პედაგოგების, მოსწავლეების ხსოვნასაც... „ეს ბიჭები, თუ დასჭირდება ქვეყანას, თოფსაც გაისვრიან და შმაგის გმირობასაც გაიმეორებენ“. ღონისძიების მსვლელობისას აულერდა საქართველოს ჰიმნი.

მანუჩარ ფანჩულიძემ კიდევ ერთხელ შეაქო და სიამაყით ახსენა რეჟისორი ტატო პატარიძე, მისი სპექტაკლები და მონაწილე ბავშვები, ორი თვის წინ შექმნილი და უკვე საკონცერტო მზაობის მქონე ცეკვის ანსამბლი „შავნაბადა“, სკოლის „ოქროს ხმა“ ნინო სოფრომადე, სკოლის „თავი ქალი“ ბარბარე კალატოზი, კარატისტები, მოჭიდავეები, ფეისბოლელები, ლექსის მხატვრული კითხვის „ოსტატები“ გაბრიელ მეფარიძე, ალექსი გუგუშვილი... შესრულდა მხატვრული ნომრები, შეგნოდით ჩაცმულობა, სკოლის დირექტორმა მადლობა გადაუხადა ყველას, ვინაც მცირე წვლილიც კი შეიტანა ძვერელი მოსწავლეების მხარდასაჭერად.

წლებია სკოლის სპონსორ-მხარდამჭერია ამერიკელი ქეთი მაკლეინი, ის ყოველწლიურად აფინანსებს ძვერელ სტუდენტებს, უწევს სხვა დახმარებებს. როგორც მანუჩარ ფანჩულიძემ თქვა—კურსდამთავრებულები ბანკეტზე ქეთი მაკლეინმა დაპატიჟა.

მანუჩარმა ბევრს მისცა სიტყვა: გია ლილუაშვილმა, ვასილ ტყეშელაშვილმა, დონი ფანჩულიძემ, ნარგიზ პა-

ტარიძემ, ნონა კვახაძემ, შაქრო ბერძენიშვილმა, მაკენზი სმინტმა (ამერიკელი მოხალისე მასწავლებელი), ტატო პატარიძემ მალაღი შეფასება მისცეს ღონისძიებას, კურსდამთავრებულებს მიულოცეს სკოლის დამთავრება და წარმატებები უსურვეს.

სკოლის პედაგოგებმა, რომლებიც 12 წლის განმავლობაში მათი აღზრდის სამსახურში იყვნენ, მოიხადეს თავიანთი ვალი, მაგრამ არა ბოლომდე, ამიტომ თქვეს პირველი კლასის მასწავლებელმა მარინა ბოგვერაძემ, კლასის ხელმძღვანელმა ლია ლილუაშვილმა „თქვენი ნაბიჯების თვალყურის მადევნებლები ვიქნებით“.

სამახსოვრო საჩუქრები...

რამდენ ხანს აგროვებდა საჩუქრებს, ან რა სახსრებით, სკოლის დირექტორს არ დაუზუსტებია, მაგრამ მრავლად რომ გასცა ფაქტია. სიმბოლური ჩოხები, დიდი და პატარა არწივის, ახალგაზრდების ფიგურები და ნახატი—უნაგირდაუდგმელი ცხენების სრობა...

20 მაისს გია ლილუაშვილის დაბადების დღე იყო. მანუჩარმა მიულოცა და საჩუქარიც გადასცა.

„რომ არა ერთი კაცი“

ოცი კურსდამთავრებული და ოცი მოკლე სიტყვა და ერთი აზრი—„დიდი მადლობა სკოლას, ყველა პედაგოგს, რომ არა ერთი კაცი, რომ არა მანუჩარ მასწავლებელი და დირექტორი, ძვერის სკოლა ასეთი წარმატებული არ იქნებოდა, არ გვიხარია სკოლის კედლებს რომ ვტოვებთ, მუდამ გვექნება მონატრება, მადლობა გამძლეობისათვის...“ კი, ასე თქვეს, მაგრამ მასწავლებლებმა ამ კურსდამთავრებულებს, ერთ-ერთი საუკეთესო გამოშვება უწოდეს.

ბოლოს დირექტორმა კურსდამთავრებულები მოედანზე მიიწვია, საფინალო ცეკვა შეასრულა.

შუშუნა ცხადაძე



სკოლის იუბილეს, რომელსაც ყოველწლიურად აღნიშნავენ, დიასაც შეგნოდა სამხედრო ფორმაში გამოწყობილი უფროსკლასელი ბიჭები.

ზეიმზე მოვიდნენ: მუნიციპალიტეტის მერი მანუჩარ რობაქიძე, საკრებულოს თავმჯდომარე გიორგი ბარათაშვილი, საგანმანათლებლო რესურსცენტრის ხელმძღვანელი ქეთევან შეყრილაძე, სამხედრო აღრიცხვის, განვების და რეკრუტირების თერაპიის მუნიციპალური განყოფილების უფროსი, ვიცე პოლკოვნიკი ვასილ ტყეშელაშვილი, ვეტერანების საქმეთა

კო და ილარიონი“, ილიკოს როლი შეასრულა. მადლიერი ვარ ძვერელი პედაგოგების, დიდი ამაგი აქვთ მათ არა მარტო ჩემს შვილზე, არამედ თაობებზე“. ნუნუ გიორგაძე (მარიამ მეფარიძის დედა) „მარიამი ფილოლოგიურზე აბარებს. ძალიან უყვარს სკოლა და მეგობრები. მიხარია, რომ კარგი თაობა მოდის. მინდა, რომ ცხოვრების უფრო დიდ გზაზე გამოსვლა, როგორც ჩემი შვილისთვის, ისე ძვერის და თითოეული კურსდამთავრებულისთვის წარმატებული იყოს, მშვიდობა ჰქონდეთ, მე მიყვარს ახალგაზრდები“.

მოდის. მარტო შმაგი სოფრომადე რად ღირს“.

საზეიმო ღონისძიება მანუჩარ ფანჩულიძემ გახსნა. აღნიშნა, რომ სკოლა დიდი ტრადიციებისაა, მრავალი თაობა გაიზარდა, წლებადელი მეთორმეტე კლასელებიც საუკეთესოები არიან, ოცი რჩეული ძვერელი გამოვიდა ცხოვრების უფრო დიდ გზაზე. მერე მოიხმო ისინი, ხალხით სავსე ეზო ფეხზე წამოუდგა მომავალს, ოცი ფოიერვერკის ხმა გაისმა და მათაც საპატიო ადგილები დაიკავეს, მათ გვერდით იყვნენ მომავალი

ოქროს კაცები...

ამ სიტყვებით მიმართა „მზეკაბანი-2007“-ის სკოლის კურსდამთავრებულებს დირექტორმა აზა მემანისვილმა ბოლო ზარის ღონისძიებაზე, რომელსაც ესწრებოდნენ მუნიციპალიტეტის მერი მანუჩარ რობაქიძე, საკრებულოს თავმჯდომარე გიორგი ბარათაშვილი, რესურსცენტრის ხელმძღვანელი ქეთევან შეყრილაძე და სხვა მოწვეული სტუმრები, რომლებმაც გულთბილი სიტყვები არ დაიშურეს მათ მიმართ. შეუქმნეს სწავლა-გარჯაში სიბეჯითი და მოუწოდეს —არ დაივიწყონ მშობლიური სკოლა და

მუნიციპალიტეტი.

მართლაც, რომ გამორჩეული „ოქროს კაცებია“ ამ სკოლის მე-17 თაობა. მათ „შვიდკაცასაც“ ეძახიან, „შესანიშნავი შვიდეულიც“ არ იქნებოდა ურიგო. პირველად გვეყავდა სკოლის 18 წლიანი ისტორიის განმავლობაში ძალიან მცირე რაოდენობა კურსდამთავრებულებისა და მხოლოდ ვაჟები. მზეკაბანის „შვიდკაცა“ - ასე შევარქვით მათ.

მათგან 3 ოქროს, ხოლო ერთი ვერცხლის მედალოსანია.

საბა კვახაჯელიძე, ნიკა გუ-

რული, ვლად ჭანტურიძე, გიორგი საყვარელიძე, ირაკლი დიაკონიძე, ბეჟან ზანდარაშვილი და ომარ ქათამაძე.

იური აბუანდაძე მეათე კლასის დასრულების შემდეგ ოჯახთან ერთად საცხოვრებლად და სასწავლებლად დედაქალაქში გადავიდა. ორი წლის განმავლობაში მას კავშირი არ გაუწყვეტია მშობლიურ სკოლასთან, ამიტომაც ბოლო ზარი მზეკაბანში აღნიშნა მეგობრებთან ერთად, „მშობლიურ“ გარემოში.

წარმატებით გველოთ ცხოვრების ახალ გზაზე!



„ვირჩევ პროფესიას“—რესურსცენტრის პროექტი თაობის პროფესიული ორიენტაციისათვის საზანოს საჯარო სკოლა დიპლომატიური გადანაცვლებები მათემატიკური მოდელებით

აშშ-ს სურდა საერთაშორისო ორგანიზაცია „ერთა ლიგის“ შექმნა და არ ითხოვდა ფულად გადასახადს.

იტალია ითხოვდა ავსტრია-უნგრეთის ტერიტორიებს და დაწესებული გადასახადის 5%-ს.

იაპონია გერმანიის კოლონიების გადანაცვლას წყნარ ოკეანეში და ჩინეთში და არ ითხოვდა ფულად გადასახადს.

ვალა ინფრასტრუქტურული კომპენსაციები (გზები, რკინიგზა) და მიიღო 10 მილიარდი ოქროს მარკა.

საბოლოო მონაცემების წარმოდგენის შემდეგ მათ დააჯამეს მიღებული თანხა და შეამოწმეს ჰქონდათ თუ არა ცდომილება. საამისოდ მასწავლებელმა ცხრილის სახით წარუდგინა თუ რა ტერიტორიები დაკარგა გერმანიამ და



ბელგია ეიპენისა და მალმედის ტერიტორიებს და გადასახადის 7%-ს ითხოვდა.

პოლონეთი ითხოვდა დასავლეთ პრუსიის, პოზნანისა და ზემო სილეზიის მიწების დაბრუნებას და 14%-ს დაკისრებული გადასახადიდან.

ლიტვა მოითხოვდა მემელის რეგიონის გადანაცვლას.

დანია მოითხოვდა ჩრდილოეთ შლეზვიგის ტერიტორიების დაბრუნებას.

გერმანიის წარმომადგენლებმა გააკეთეს პრეზენტაცია, გამოთვალეს თითოეული სახელმწიფოს პოზიცია რიცხობრივად.

დაკისრებული თანხა სხვადასხვა გზით უნდა გადაეხადათ ქვეყნებისათვის. მასწავლებელმა მოსწავლეებს წარუდგინა წრიული დიაგრამა, რომლის თითოეული სექტორი შეესაბამებოდა გადასახადს. მოსწავლეები დაჰყოფდნენ, თითოეულ ჯგუფს მისცა სხვადასხვა სექტორი. მოსწავლეებმა ტრანსპორტის საშუალებით გაზომეს სექტორის ცენტრალური კუთხის გრადუსული ზომა და პროპორციის საშუალებით დაადგინეს გადასახადების რაოდენობა.

პირველმა ჯგუფმა გამოთვალა ფულადი გადასახადი (ნაღდი ფულით) და მიიღო 50 მილიარდი ოქროს მარკა. მეორე ჯგუფმა გამოთვალა ნედლეულისა და პროდუქციის მიწოდება (ქვანახშირი, რკინა, მერქანი) და მიიღეს 40 მილიარდი ოქროს მარკა. მესამე ჯგუფმა ინდუსტრიული აღჭურვილობის გადატანაში (ქარხნები, ტექნიკა) მიიღო 17 მილიარდი ოქროს მარკა. მეოთხე ჯგუფმა სამხედრო კომპენსაციებში (გემები, ტექნიკა, იარაღი) მიიღო 15 მილიარდი ოქროს მარკა. მესხეთე ჯგუფმა გამოთ-

ამ ტერიტორიაზე მცხოვრები მოსახლეობის რაოდენობა. მოსწავლეებმა გამოთვალეს, რომ გერმანიამ დაკარგა ტერიტორიების 14,6 %-ი, მოსახლეობის 11,2%-ი, გერმანიის რუკას მოაშორეს აღნიშნული ტერიტორიები და მიიღეს გერმანიის რუკის ახალი სახე.

ბოლოს მასწავლებელმა მოსწავლეებს შესთავაზა ამოცანა—ხელშეკრულების პირობებით გერმანიას არ ჰქონდა 100 000 კაცზე მეტი არმიის ყოლის უფლება. 1914 წლისთვის 4 500 000 არმია ჰყავდა. რამდენი %-ით შემცირდა გერმანიის არმია?

მოსწავლეებმა დაადგინეს გერმანიის არმია შემცირებულია 47%-ით, რაც დიდი დანაკლისი იყო. გაკვეთილის შეჯამების მიზნით მასწავლებელმა მოსწავლეებს ერთი ფრაზა წარუდგინა—ვერსალის ხელშეკრულება დიპლომატიური გამარჯვება, თუ საერთაშორისო კრიზისის დასაწყისი.

მოსწავლეებმა გამოთქვეს ვარაუდები. ზოგი გერმანიის მხრიდან განიხილავდა, როგორც კრიზისს და ზოგიც თვლიდა, რომ გამარჯვებული ქვეყნებისთვის ეს იყო დიპლომატიური გამარჯვება.

მოსწავლეების ვერსიების გასაგრძელებად მასწავლებელმა მიიწვია კლასის ისტორიის მასწავლებელი ანზორ ბერუაშვილი. მან ისაუბრა დიპლომატიკაზე და კითხვაზე—რა არის დიპლომატიკა და როგორი ადამიანი გესაჩვენებდა დიპლომატად—მოსწავლეებმა, სხვადასხვანაირად, მაგრამ ამომწურავად უპასუხეს. რამდენიმე ფიქრობს პროფესიად დიპლომატიკა აირჩიოს.

გაკვეთილი მაღალ დონეზე შეფასდა, იგი იყო გამორჩეული და საინტერესო.

შუშუნა ცხადაძე

რას ფიქრობს მომავალი თაობა ფიქრები ოთხ მნიშვნელოვან მოვლენაზე

ბოლო ზარის ზეიმი, უმაღლეს სასწავლებელში სასურველ პროფესიაზე ჩარიცხვა, გრანტის მოპოვება და მედლების გადაცემა მნიშვნელოვანი მოვლენა არის ახალგაზრდების ცხოვრებაში. სწორედ ამ ოთხი მნიშვნელოვანი მოვლენის გამო მივმართეთ ოქროს მედლების და 100%-იანი გრანტის მფლობელებს.

კითხვა: რა იგრძენით, როცა სკოლა დაამთავრეთ, სტუდენტიც გახდით და გრანტიც მოიპოვეთ, ახლახან კი მედლებიც მიიღეთ. როგორია თქვენი უახლოესი და შორის მიმავალი გეგმები?

სკოლის დამთავრება ერთდროულად ცარიელი დერეფანი და ფანჯარაა, რომელიც ფართოდ იღება მეთორმეტე კლასელებისათვის. ჩემთვის არც თუ ისე მარტივი გზა იყო, რადგან სკოლის დასრულების მომენტში ძალიან ბევრმა ემოციამ მოიყარა თავი, თითქოს მიხაროდა, რომ ერთ-ერთი თავგადასავალი დასრულდა, მაგრამ ამავედროულად მწუხარებაც მახრჩობდა, რადგან მეგობრებთან და საყვარელ მასწავლებლებთან განშორება მიჭირდა. ამ დროს ვგრძნობდი, რომ ახალი შესაძლებლობები და გამოწვევები მელოდა. სკოლის წლები ყველაზე ტკბილ მოგონებებად მახსენდება და ვფიქრობ ყველა ადამიანში იმავე ემოციას ინვევს. სკოლის დამთავრებას თან სდევდა უამრავი პასუხისმგებლობა, რომელსაც პირველ რიგში ჩემი თავის წინაშე, შემდგომ კი ჩემი ოჯახის წინაშე ვგრძნობდი. მინდოდა 12 წლის განმავლობაში ჩემი მშობლების განეული ამაგი დამეფასებინა. შესაბამისად დავინყე შრომა წარმატებისთვის, რასაც უკვალოდ არ ჩაუვლია. გრანტის მოპოვება ჩემთვის ყველაზე დიდი პირველი წარმატება და გამონევა იყო, რაც დამეხმარა ჩემი მიზნების მიღწევაში და უფრო მეტი შესაძლებლობის აღმოჩენაში. ჩემი აზრით, „ყველაფერი რაც შეგიძლიათ წარმოიდგინოთ შესაძლებელია“.

სტუდენტად რომ გავხდი, ახალი სამყაროს კარი გაიხსნა ჩემთვის. ეს იყო კარი, რომელიც თავად გავაღე, ეს იყო პასუხისმგებლობის ახალი გზის დასაწყისი ფერები. თავდაპირველად თითქმის ხმაურიანი სივრცე, სადაც უცხო სახეებით და უსასრულო შესაძლებლობებით. და მაინც, ამ რეალობაში იყო რაღაც, რომ ყველაფერს რასაც აქამდე ვსწავლობდი პირველად მიეცა მნიშვნელობა. ახლახანს მიღებული მედალი კი ჩემი



შრომის შედეგი და დიდი პატივია. ეს არ არის მხოლოდ პირადი წარმატება, არამედ პასუხი იმაზე, რომ შრომა და თავდადება ყოველთვის შედეგს იძლევა. მაღლიერი ვარ ყველა ადამიანის, ვინც ამ პროცესში მხარი დამიჭირა.

რაც შეეხება ჩემს გეგმებს, მოგეხსენებათ ვსწავლობ ბიზნეს ანალიტიკის ფაკულტეტზე. უკვე მეორე წელია ვმუშაობ სამშენებლო კომპანია „ანაგში“, კერძოდ ფინანსების განხრით. ჩემი უახლოესი გეგმებია ამ სფეროში მეტად

განვითარება და კიდევ უფრო დიდი გამოცდილების მიღება, რისი შესაძლებლობაც ვფიქრობ მომეცემა. შორის მიმავალი გეგმები ესე განერილად არ გამაჩნია, თუმცა ჩემი მიზანია ვიყო წარმატებული ჩემს სფეროში, რომელიც მომწონს და ვფიქრობ, დიდ წარმატებასაც მომიტანს.

მარიამ ქოჩიაშვილი,
თერჯოლის №1 საჯარო სკოლის
კურსდამთავრებული, საქართველოს
უნივერსიტეტის ბიზნეს ანალიტიკის
ფაკულტეტის სტუდენტი.

სკოლის დასრულება ჩემთვის მხო-



ლოდ აკადემიური ეტაპის დასრულება არ ყოფილა—ეს იყო ემოციური, ღირებული და გამოცდილებით სავსე წლების გაშვება. ამ დღემ ჩემში ბევრი განსხვავებული ემოცია გამოიწვია—სიხარული, სევდა და იმის გააზრება, რომ წინ ახალი, უფრო საინტერესო და საპასუხისმგებლო ეტაპი მელოდა.

განსაკუთრებით ემოციური აღმოჩნდა ის მომენტი, როცა გავიგე რომ 100%-იანი გრანტი მოვიპოვე. ეს იყო ერთგვარი დადასტურება იმისა, რომ საკუთარი ძალების რწმენამ და დაუღალავმა შრომამ შედეგიც მოიტანა და ამას ცოტა ხნის წინ მედალიც დავმატა, რაც სკოლის წლების სიმბოლური, ლამაზი დასრულება იყო.

ამჟამად ვსწავლობ ბიზნესისა და ტექნოლოგიების უნივერსიტეტში, საინფორმაციო ტექნოლოგიების მიმართულებით და აგრეთვე ვმუშაობ ჩემივე პროფესიით. ეს ორი გამოცდილება ერთმანეთს ავსებს და მეხმარება, რომ თეორიული ცოდნა პრაქტიკაში გამოვიყენო. ყოველდღიურად ვცდილობ განვითარებას, ვსწავლობ და ვეძებ საკუთარ გზას იმ სფეროში, რომელიც ჩემში დიდ ინტერესს იწვევს. მომავალი გეგმებიც ჩემს კარიერულ წინსვლას ეხება.

ნინო აბჟანდაძე,
ახალთერჯოლის საჯარო სკოლის
კურსდამთავრებული, ბიზნესისა და
ტექნოლოგიების უნივერსიტეტის, სა-
ინფორმაციო ტექნოლოგიების ფაკულ-
ტეტის სტუდენტი

გვპასუხობს მოძღვარი

ერთ-ერთი საეკლესიო მოძრაი დღესასწაული ამალდება წელს 29 მაისს, ხოლო სულთმოფენობა 8 ივნისს აღინიშნება. დეკანოზ დავითს (ჭანტურიძე) ვთხოვეთ მოეთხრო ამ დღესასწაულების შესახებ.

ამალდება

აღდგომიდან მეორმოცე დღეს უფალი ჩვენი იესო ქრისტე გამოეცხადა მოციქულებს იერუსალიმში. წაიყვანა ისინი ზეთისხილის მთაზე და უბრძანა არ გასულიყვნენ იერუსალიმიდან, სანამ მთაზე არ გადმოვიდოდა სულიწმინდა. შემდეგ აღმართა ხელი, აკურთხა მოციქულები და დაიწყო ამალება. საბოლოოდ ბრწყინვალე ღრუბლებმა დაფარა იესო ქრისტე მოციქულთა თვალთაგან. მოციქულები დიდხანს შეჰყურებდნენ ცას. ამ დროს მათ გამოეცხადა ორი თეთრად მოსილი ანგელოზი: „გალილეელებო, რად დგახართ და უყურებთ ზეცას?“ —უთხრეს ანგელოზებმა მოციქულებს, იესო, თქვენგან ამალეულები, მოვა იმავე სახით, როგორც ნახეთ თქვენ ამალელების დროს“.

მოციქულებმა თაყვანი სცეს ამალეებულ უფალს.

სულიწმინდის გადმოსვლა

ორმოცდამეათე დღეს იესო ქრისტეს აღდგომიდან, წმინდა მოციქულები ღვთისმშობელთან და სხვა მორწმუნეებთან ერთად იმყოფებოდნენ ერთ ბინაში და ლოცულობდნენ. უცბად მოისმა ზეციდან ქარიშხლის ზარი, გამოჩნდნენ ცეცხლისებური ენები და დემონები თითოეულ მათგანზე. ყველანი აღივსნენ წმინდა სულით და დაიწყეს ლაპარაკი სხვადასხვა ენაზე, რომელიც ადრე არ იცოდნენ.

იერუსალიმში ამ დროს იყვნენ მრავალი ქვეყნიდან მოსული ებრაელები სულიწმინდის გადმოსვლის დღესასწაულის გამო. როდესაც მათ გაიგონეს ხმაური, მოგოვდნენ იმ სახლთან, სადაც იყვნენ მოციქულები. მათ გაუკვირდათ, რომ უბრალოდ, უსწავლელი მოციქულები ლაპარაკობდნენ სხვადასხვა ენაზე. ხალხთან გამოვიდა მოციქული პეტრე და აუხსნა, რომ მთაზე გადმოვიდა სულიწმინდა იესო ქრისტესგან, რომელიც იყო ჯვარცმული, მაგრამ აღსდგა მკვდრეთით. ამ ქადაგების გამგონნი გაგულკეთილდნენ და უთხრეს პეტრეს და სხვა მოციქულებს: „რა გავაკეთოთ ჩვენ?“ პეტრემ უპასუხა „შეინანეთ და პირ-ჯვარი დაიწერეთ უფალი იესო ქრისტეს სახელით და თქვენ მიიღებთ სულიწმინდის წყალობას“. იმ დღეს მოინათლა სამი ათასამდე კაცი.

სულიწმინდის გადმოსვლა იწოდება სამებად, ვინაიდან ამ დღეს იდიდება უწმინდესი სამება.

წმინდა ნინო

(აღინიშნება 27 იანვარს და 1 ივნისს)

კითხვა: როგორც ცნობილია, ქრისტიანული სარწმუნოების პირველი მარცვლი საქართველოში შემოიტანეს მოციქულმა ანდრია პირველწოდებულმა და სვიმონ კანანელმა, ხოლო ქრისტიანობის საბოლოო აღიარება ნაყოფიან მოციქულთა სწორის, წმ. ნინოს ქადაგებისა. გთხოვთ განმარტოთ წმ. ნინოს საქართველოში მოგზაურობის შესახებ.

პასუხი: წმ. ნინო წარმოშობით იყო კაბადოკიიდან. ასული რომის მხედარმთავრის, ნინოს დედა კი იერუსალიმის პატრიარქის და. როდესაც ნინოს შეუსრულდა თორმეტი წელი, მისი მშობლები გადასახლდნენ იერუსალიმში. ნინოს პატიოსანი მშობლები ზრდიდნენ ღვთის სიყვარულით, უნერგავდნენ მას გაქირებულთა და დაჩაგრულთა თანაგრძნობას. ნინო აღსაზრდელად მისცეს ერთ მოხუცს, რომელიც ნინოს უამბობდა ქრისტეს ცხოვრებაზე, ამბავს ქრისტეს პერანგის შესახებაც, რომ იგი არის მცხეთაში. „სად არის მცხეთა, სადაც არის მხსნელის პერანგი?“ ეკითხებოდა ნინო. აუხსნა ისიც, რომ საქართველო, მისი მოსაზღვრე მთიანი ადგილის მცხოვრებნი არიან წარმართული სარწმუნოების ტყვეობაში. იმ დღიდან ნინოს არ შეუწყვეტია ვედრება ღვთისმშობლისადმი, რომ ენახა საქართველო და თაყვანი ეცა პერანგისათვის.

ყოვლდღწიდან ღვთისმშობელმა ისმინა ვედრება, გამოეცხადა სიზმარში, მისცა ვაზისგან გაკეთებული ჯვარი და უთხრა—ეს ჯვარი იქნება შენთვის ფარი, მისი ძალით დაწერგავ სარწმუნოებას ჩემი საყვარელი ძისა და უფლისას. ნინომ მოიჭრა ნაწნავი, დიდი პატივისცემით შეკრა ჯვარი თავისი თმით.

დიდი ხნის დამქანცველი მგზავრობის შემდეგ ნინომ მიაღწია ქალაქ მცხეთას. მცხეთაში მისვლის მეორე დღეს, იქ იყო წარმართული დღესასწაული—ერთ-ერთი წარმართული მთავარი ღვთაების პატივსაცემად. ნინო მხურვალედ ევედრებოდა ღმერთს განათლებინა ამ ხალხის გონება.

უეცრად ატყდა საშინელი ჭექა-ქუხილი, მესმა დაამსხვრია კერპი. ნინო ლოცვებით კურნავდა ავადმყოფებს, უყვებოდა ხალხს იესო ქრისტეზე, ეს კარგად მოქმედებდა ხალხზე, მას სთავაზობდნენ ძვირფას საჩუქარს, მაგრამ ნინო უარს ამბობდა და კვლავ ღარიბულ ქოხში ცხოვრობდა, ნინოს გაგონილი ჰქონდა, რომ ამ ადგილზე დაფლული იყო ქრისტეს პერანგი. ნინო მხურვალედ შესთხოვდა ღმერთს, რომ ჩაეგონებინა ქართველი ხალხისათვის შეცნობა ჭკუმაღრიტებისა.

იმ ხანებში ავად გახდა თვით დედოფალი. ექიმებმა ვერაფერი უშველეს და გადაწყვიტეს მოეწვიათ მადლიანი უცხოელი, მაგრამ ნინო არ ნაჲვდა სასახლეში და დედოფალი მიიწვია თავის ქოხში. ნინომ ილოცა მისთვის და ავადმყოფი გამოჯანმრთელდა. „**არა მე გაგაკურნე შენ, არამედ იესო ქრისტემ**“, დედოფალმა იწმინა იესო ქრისტე. ერთხელ, როცა მირიან მეფე ნადირობდა, ის მოიცვა საშინელმა სიბნელემ, შეშინებულმა დაუძახა მხლებლებს, მაგრამ ისინი ვერავითარ სიბნელეს ვერ ხედავდნენ. სიბნელე მხოლოდ მეფეს ფარავდა. მეფემ მოიგონა ნინოს სიტყვები და მიმართა ღმერთს იმ სიტყვებით, რომელსაც ნინო ქადაგებდა. სიბნელე მაშინვე გაიფანტა. მირიან მეფემ მთელი გულით იწამა ქრისტე და გადადგმობა მიიღო წმინდა ნათლობა. მან გაგზავნა ხალხი კონსტანტინეპოლში ეპისკოპოსისა და მღვდლების ჩამოსაყვანად, დაინიშნა ეპისკოპოსი საქართველოში, ნინო მადლობას სწირავდა ღმერთს, რომ დაეხმარა კერპთაყვანისმცემელი ქართველი ხალხის მოქცევაში.

ნინომ განაგრძო საქართველოს სხვა კუთხეებში თავისი მოციქულებრივი საქმიანობა.

ნინო გარდაიცვალა კახეთში. მირიან მეფემ იმ ადგილას ააშენა წმინდა გიორგის სახელობის ტაძარი. შემდეგში აქ დაარსდა ზოდბის ეპარქია. ნინოს საფლავი ამ მონასტერშია.

ესაუბრა **წმ. ნინო** **ცხადამი**

ბაჩკოვო

ბაჩკოვოს მონასტრის ამჟამინდელი წინამძღვარი და დღევანდელი

(დასასრული. დასაწყისი იხ. „თერჯოლა“ №8. 15.04.2025)

ამჟამად პეტრიწონის მონასტრის წინამძღვარი გახლავთ ველიჩკის ეპისკოპოსი, ტროიანა-სა და ბაჩკოვოს მონასტრების ილუმენი სიონი (სტეფან რადევ ნიზამოვი, წმინდა სინოდის მიერ მეუფის წინამძღვრად დადგინების დრო 2019 წლის 3 აპრილი).

პეტრიწონის მონასტერში დავყავი სამი კვირა. ამ ხნის განმავლობაში მეუფე სიონმა გა-

მოიჩინა დიდი სიყვარული, პატივისცემა და ყურადღება. მიგვიღო როგორც დიდი ხნის სულიერი ნათესავები და ღვთისმშობლის ერთი კალთის ქვეშ მყოფი სულიერი ძმები, ჩავვიკრა გულში და მოგვცა საშუალება, გავცნობოდი მონასტრის ყველა სინამდის, რისი ნახვაც შესაძლებელი იქნებოდა მონასტერში ცხოვრების დროს.

მეუფე სიონი გახლავთ გამოჩენილი პიროვნება და დიდად კეთილგანწყობილი ქართველებისა და არა მხოლოდ ქართველების მიმართ. ჩემთვის მეტად მნიშვნელოვანი გახდა მასთან პირველი შეხვედრა. როდესაც მეუფე სიონის მისაღებად ოთახს „არქონდარიკს“ მივუახლოვდი და დავაკაკუნე, მეუფემ კარი თვითონ გაშიშვლო, მე მისგან მეტანით ლოცვა-კურთხევა გამოვითხოვე, თუმცა მეუფემ თავად მთხოვა დალოცვა და ხელზე მეამბორა. შემდგომ სამჯერ ბულგარულად გადამკიცხა. ქართულად მისაღებად მიჩვეული, დაბნეულად ვეამბორე და წამიძღვა მისაღებისაკენ.

მეუფე სიონმა საუბრის დროს აღნიშნა, თავი ისე მეგრძნო როგორც საკუთარ სახლში და ხანგრძლივი დროით დარჩენა შემომთავაზა „100 წელი შეგიძლია დარჩენა ბაჩკოვოს მონასტერში“. მონასტერში მოღვაწეობს ორმოცდაათამდე ადამიანი. მათთვის ჩვენ ვიყავით სამშოს წევრები და არა სტუმრები. დიდი სიბოროტი და სიყვარულით გვიმასპინძლეს. მეუფეს ლოცვა-კურთხევით მოვილოცეთ ყველა სინამდის და ტაძარი, რომლებიც პეტრიწონის მონასტრის კუთვნილებაშია.

პეტრიწონის მონასტერში ყოფნის დროს მომიწია მონაწილეობა მწუხრისა და ცისკრის ლოცვებში. საღმრთო ლიტურგიის დროს კი მონასტრის ილუმენის მეუფე სიონის ლოცვა-კურთხევით ვიმსახურე ადგილობრივ სასულიერო პირებთან ერთად.

ბაჩკოვოს მონასტერში შეიძლება უამრავი სინამდის ნახვა უმნიშვნელოვანესი და განსაკუთრებით საყურადღებოა ბაჩკოვოს ღვთისმშობლის ხატი, რომელიც ვლადიმერის ღვთისმშობლის ხატის ასლია და შემოწირულია XI საუკუნეში იმპერატორ ალექსი I კომნენოსის მიერ. ქართველების მოქედნი ღვთისმშობლის ხატზე დედალღვისას სახის გარშემო დატანილი ასომთავრული წარწერა გვაუწყებს, რომელიც მეფის დროს მოხდა ხატის მოქედვა და ვინ იყო დამკვეთი. ეს ასომთავრული წარწერა გვაუწყებს, ქართველების მოღვაწეობა გრძელდება პეტრიწონის მონასტერში და მონასტერშივე მოღვაწე ბერები არიან ძმები ათანასე და ოქროპირი. ღვთისმშობლის ხატის ზედა აშიაზე მოცემულია ხატის ტიპობრივი მარჯვენა - „დედა ღვთისა ვლადიმერისა“.

გადმოცემის თანახმად, კონსტანტინეპოლში, ვლადიმერის ღვთისმშობლის ტაძარში, არსებული სასწაულებრივი ხატებიდან ერთ-ერთია ბაჩკო-

ვოს ღვთისმშობლის ხატი. ხატი „ელეუსა“ ანუ მოალერსე ღვთისმშობლის გამოსახულებით.

ხატს მარჯვენა მხარეს ამოტვიფრული აქვს ასომთავრული წარწერა: „მოიჭედა წმინდა ესე ხატი ყოვლად წმინდისა დედოფლისა ჩუენისა ღმრთისა შობისა პეტრიწონის ორთა ხორციელად ძმათა მიერ ტაოელთა ეგნატის შვილთა მოძღვრის ათანასის და ოქროპირისა პერპერთა რკე ასოცდახუთითა და წინაშე ხატისა საკანდლითა ვერცხლისათა“.

ხოლო მარცხენა მხარეს წერია: „საბერძნეთის მეფობასა კეთილად მსახურთა მეფეთა ანდრონიკე მიხაელ დაანდრონიკესა პალეოლოლოს ძეთასა. ხოლო ქართლს კონსტანტინესა დადისტრისსა, ბაგრატიონ-



თასა დასაბამითანთა წელთა ბერძნულად ხყით ექვსიათას რვაას ცხრამეტსა, ხოლო ქართულად ხშირ ექვსი ათას ცხრას ხუთმეტსა. წმიდა ღმრთისმშობელი, შეინირე მცირე ესე ძლეუნი მათი და შეუნდვენ დამეოხ ყეავ მათ და მშობელთა მათთა დღესა და მას დიდსა სასჯელისასა წინაშედა ღმრთისა ჩუენისა. ამინ იყავნ, ამინ. ქორონიკონსა ფლა ხუთასოცდათერთმეტსა. ინდიქტიონსა თ ცხრასა. ქრისტე ღმერთო, შეიწყალენ სულნი მათნი, კაცთმოყუარე, ამინ. 1311 წ.“

მონასტერში აგრეთვე ინახება XI საუკუნის საბრძოლო (საზოლავრო-სასარდლო) ჯვარი ქართული წარწერით, რომელიც გრიგოლ ბაკურიანმა შესწირა მონასტერს. ჯვარი აღმართული იყო ღვთისმშობლის მიძინების ტაძრის გუმბათზე, ხოლო მეუფე სიონის მონასტრის ილუმენად დადგინების შემდგომ (2019 წლის 3 აპრილი) ჯვარი ჩამოაბრძანეს და ბუნებრივი კატაკლიზმებისაგან თავდასაცავად გადააბრძანეს მონასტრის მუზეუმში.

პეტრიწონის კომპლექსში არსებულ საძვალეში გვხვდება ქართველთა ფრესკები, რომლებიც შესრულებულია იოანე ივეროპოლელის მიერ XII ს-ში. ფრესკებზე გამოსახულნი არიან მონასტრის პატრონი გრიგოლ და აბას ბაკურიანები და აგრეთვე მონასტრის აღმდგენელ-რესტავრატორები: ბერე-

ბი გიორგი და გაბრიელი. სავარაუდოდ, გრიგოლ და აბას ბაკურიანების საძვალე ეს სამარხი უნდა ყოფილიყო და დღემდე ამ სამარხში არიან დაბრძანებული.

ასევე შეგიძლია მოვილოცოთ წმინდანთა უამრავი წმ. ნაწილი.

მონასტრის მთავარ ეზოში ფრესკაზე გამოსახულია სტოიან ჩლიკოვის შეხვედრა მონასტრის ძმებთან. აქვე არიან გრიგოლ და აბას ბაკურიანები პეტრიწონის სავანის მინიატურული მოდელით ხელში, როგორც ქტიტორნი მონასტრისა. მეუფე სიონის ლოცვა-კურთხევით გაცოცხლებული და განახლებულია უამრავი ფრესკა-ქართველების მიერ მონასტრის დაარსებისა და გრიგოლ ვანელის წინამძღვრად დადგინების

სცენები.

პეტრიწონის მონასტერი დღესაც ელის უამრავ ქართველს, რათა ყველა შეეხოს იმ ისტორიის ნაწილს, რომლებიც ათასობით კილომეტრით შორს დაწერეს და შემოგვინახეს ჩვენმა წინაპრებმა.

აღსანიშნავია, რომ მეუფე გიორგის დიდი სურვილი იყო, დაწყებულიყო აღდგენა ძველი ურთიერთობისა და კავშირისა, რაც არსებობდა მრავალი საუკუნის განმავლობაში, როგორც საგანმანათლებლო კერისა, რომლის ფესვებიც ქართული; მონასტრის მოღვაწენი კი სიყვარულით არიან განწყობილნი ქართველებისა და არა მხოლოდ ქართველების მიმართ.

მეუფე სიონთან გამომშვიდობებისას აღვნიშნე: „ - მეუფო თქვენი საქმითა და სიტყვით, ჩვენი მეგობრობისა (ბაჩკოვოს მონასტრისა და ქართველების) და ურთიერთობის აღდგენის კეთილი ნების მქონე პრძანებით, მაკურთხეველი კი ღვთისმშობელი მარიამია“.

ულრმესი მადლობა გადავუხადე იმ ღვანლისათვის, რაც მას მიუძღვის მონასტერში ილუმენად დადგენის დღიდან, რასაც ახლა, ამჟამად ეწევა და რასაც მომავალში იმოღვაწეებს პეტრიწონის მონასტერში ღვთის სადიდებლად.

თერჯოლის რაიონის სოფელ გოდოვნის წმ. ბართლომე მოციქულის სახელობის მონასტრის ჭ ბერ-დიაკონი მაკარი (ჯამასპაშვილი)

პირველკლასელთა საყოველთაო რეგისტრაცია

პირველკლასელთა საყოველთაო რეგისტრაცია 22 მაისს, 09:00 საათიდან დაიწყო და 17 ივნისის ჩათვლით გაგრძელდება.

რეგისტრაცია განხორციელდება განათლების მართვის საინფორმაციო სისტემის ოფიციალურ ვებგვერდზე - registration.emis.ge.

ბავშვის სისტემაში რეგისტრაციას უზრუნველყოფს მშობელი ან კანონიერი წარმომადგენელი.

ელექტრონულად რეგისტრირებული მოსწავლის ჩასარიცხად აუცილებელი დოკუმენტაციის წარდგენა სკოლებში 18 ივნისიდან 27 ივნისის ჩათვლით განხორციელდება. დადგენილ ვადებში დოკუმენტაციის წარუდგენლობის შემთხვევაში, რეგისტრაცია ავტომატურად გაუქმდება.

პირველ კლასში ჩასარიცხად საჭირო დოკუმენტები:

მოსწავლის კანონიერი წარმომადგენლის განცხადება, რომელიც უნდა შეიცავდეს კანონიერი წარმომადგენლის საცხოვრებელი ადგილისა და ტელეფონის ნომრის თაობაზე ინფორმაციას და უნდა აკმაყოფილებდეს საქართველოს ზოგადი ადმინისტრაციული კოდექსის 78-ე მუხლით დადგენილ სხვა მოთხოვნებს, კანონიერი წარმომადგენლის პირადობის დამადასტურებელი მოწმობის ასლი და საქართველოში ბინადრობის დამადასტურებელი დოკუმენტის ასლი (ასეთის არსებობის შემთხვევაში). დოკუმენტების უცხოურ ენაზე წარდგენის შემთხვევაში, მათ უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე).

მოსწავლის დაბადების მოწმობის ან პირადობის დამადასტურებელი დოკუმენტის ასლი ან საქართველოში ბინადრობის დამადასტურებელი დოკუმენტის ასლი (ასეთის არსებობის შემთხვევაში). დოკუმენტების უცხოურ ენაზე წარდგენის შემთხვევაში, მათ უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე).

პირველ კლასებში არსებული ადგილების რაოდენობის შესამოწმებლად გადადით ბმულზე: <https://skolebi.emis.ge/>

გამოფენა-დაჯილდოება

გასულ თვეში, თბილისის მუნიციპალიტეტის მერიასა და შპს „კრეატივ ივენიის“ ორგანიზებით, სასტუმრო „პარაგრაფში“, მოეწყო გამოფენა-დაჯილდოება.

ქვეყნის მასშტაბით მონაწილე დამწეებმა თუ პროფესიონალმა ხელოვანებმა, არაჩვეულებრივ საგამოფენო სივრცეში, უამრავი გულშემატკივრის ოვაციების ფონზე, უდიდესი კმაყოფილება გამოხატეს და ხელოვანთა დაუფინყარ ზეიმად აქციეს ეს დღე. გამოფენაზე წარმატებულად წარსდგა ჩვენი მუნიციპალიტეტის ყველა მონაწილე.

„მე მინდა საქართველო მიცნობდეს შენს ნაწარმს ნამუშევრებისათვის, მაღლობა ჩვენს მოსწავლეებს.“

წლის საუკეთესო მხატვრების ჯილდოს გილოცავთ!

სიბ. ქ. თერჯოლის № 1 საჯარო სკოლა.

სახვითი და გამოყენებითი ხელოვნების პედაგოგები ხათუნა გურული და დარეჯან გობერაშვილი.

მოსწავლეები:

1. ხუჯაძე ნინო.
2. სულამანიძე გიორგი.
3. სულამანიძე საბა.
4. ურიადმოყველი ალექსი.
5. აბუხანდაძე ანი.

ქ. თერჯოლის სოფელ კვახჭირის სკოლა. სახვითი და გამოყენებითი ხელოვნების



4. საყვარელიძე დანი.
5. ქურციკიძე მათე.



პირველკლასელთა საყოველთაო რეგისტრაციის ინსტრუქცია იხილეთ აქ: <https://www.youtube.com/watch?v=1bCSvZsGPTs>

შეგახსენებთ, რომ საქართველოს განათლების, მეცნიერებისა და ახალგაზრდობის სამინისტროს სასკოლო ასაკთან დაკავშირებით „ზოგადი განათლების შესახებ“ საქართველოს კანონში ცვლილება შევიდა. კერძოდ, 2025-2026 სასწავლო წელს პირველ კლასში დარეგისტრირებას შეძლებენ ბავშვები, რომლებსაც 6 წელი 31 დეკემბრის ჩათვლით უსრულდებათ.

ცვლილების თანახმად, ბავშვის მზაობისა და მისი საუკეთესო ინტერესების გათვალისწინებით, იმ ბავშვების მშობლებს ან კანონიერ წარმომადგენლებს, რომლებსაც 2025 წლის 16 სექტემბრიდან 31 დეკემბრის ჩათვლით უსრულდებათ 6 წელი, უფლება აქვთ გადაეთონ არჩევანი: გააგრძელონ სკოლამდელი აღზრდისა და განათლების მომსახურების მიღება სასკოლო მზაობის პროგრამაში ჩართვით, ან დარეგისტრირდნენ პირველკლასელებად.

საქართველოს განათლების, მეცნიერებისა და ახალგაზრდობის სამინისტრო მშობლებს მოუწოდებს, ყურადღებით გაეცნონ რეგისტრაციის ვადებსა და პირობებს, რათა ბავშვის სკოლაში შეყვანა დროულად და შეუფერხებლად შეძლონ.

პედაგოგი დარეჯან გობერაშვილი.

1. ტყეშელაძე მარიამი.
2. ვაშაყმაძე ნინო.

ქ. თერჯოლის მოსწავლე-ახალგაზრდობის ცენტრის „ქარგვის“ კლუბის კოორდინატორი: ანა გოგიაშვილი.

ქ. თერჯოლის მოსწავლე-ახალგაზრდობის ცენტრის „თეკა გობელინის“ კლუბის კოორდინატორი: ხათუნა გურული.

ქარგვა

1. კალატოზი თეკლა.
- თეკა-გობელინი

1. მარუაშვილი ბარბარე.
2. მაკარიძე მარიამი.
3. მაკარიძე მარიამი.

ანტონ ქველიძე

მოულოდნელი და ნაადრევი იყო ანტონ ქველიძის გარდაცვალება. დააკლდა იგი საყვარელ ოჯახს, სოფელს, სრულიად თერჯოლას, უამრავ სამეგობროს. ანტონი იყო კაცი, რომელმაც თავისი არსებობით მოგვცა მაგალითი, თუ როგორი უნდა იყოს ადამიანი, მამა, მეუღლე, ძმა და მეგობარი. უღალატოს, ერთგულს, პატიოსანს და კვალიფიციურ ხელმძღვანელს თუ რიგით თანამშრომელს პატივს სცემდნენ მუნიციპალიტეტის ხელმძღვანელი მუშაკები, მის აზრს ითვალისწინებდნენ, მასაც უყვარდა საქმიანი წინადადებების დაყენება. ანტონი უყვარდათ თანამშრომლებს, მათი ჭირისა და ღვინის მოზიარე იყო, თანადგომა წესად ჰქონდა.

ანტონ ქველიძე 1951 წელს დაიბადა სოფელ ალისუბანში, დაამთავრა ამავე სოფლის საშუალო სკოლა, თბილისის სახელმწიფო უნივერსიტეტის სააღრიცხვო-ეკონომიკური ფაკულტეტი. სხვადასხვა წლებში მუშაობდა „ჭიათურ მანგანუმენის“ №8 ტრესტის „ზესტაფონმენის“ სამშენებლო სამმართველოში ეკონომისტად, ამავე ტრესტში საგეგ-

მო განყოფილების უფროსად, სსრკ მშენებლობის ბანკის ზესტაფონის განყოფილებაში უფროს ეკონომისტად და შემდეგ განყოფილების გამგედ, მრეწველმშენბანკის ზესტაფონის განყოფილების მმართველის მოადგილედ, შემდეგ კი მმართველად.

1993 წლიდან ანტონი სამუშაოდ გადმოვიდა თერჯოლის რაიონის გამგეობის ეკონომიკური განყოფილების გამგის მოადგილედ, 1994-2002 წლებში იყო რაიონის საფინანსო განყოფილების გამგე, მუშაობდა თერჯოლის რაიონის გამგეობის პირველ მოადგილედ. 2009 წლიდან გარდაცვალებამდე კი თერჯოლის საზოგადოებრივი ჯანდაცვის მუნიციპალური ცენტრის დირექტორის მოადგილედ...

დარჩა მეუღლე და ორი შვილი. ნავიდა ჩვენგან კიდევ ერთი კარგი კაცი და დატოვა სევდა და ტკივილი არა მარტო ოჯახში, არამედ მრავალთა გულში. მისი ხსოვნა სამუდამოდ დარჩება.

ნათელი და სანთელი ანტონ ქველიძის ხსოვნას.

უახლოესი მეგობრები

ნანა ისაკაძე—ფანჩულიძის გახსენება გვიყვარხარ, გვენატრები, გვაკლიხარ...

17 მაისს ერთი წელი გავიდა უშენოდ, უსაშველო, გაუსაძლისი და ცრემლიანი ერთი წელი, წელი შემზარავი მონატრებისა, უშენოდ ნაცრისფერად დაფერვლილი...

ბედისწერამ მკაცრი განაჩენი გამოგიტანა, 56 წლის ასაკში დატოვე ოჯახი, შვილები, მეუღლე, ახლობლები გაუსაძლისი დარდასა და ტკივილში, დატოვე საყვარელი საქმიანობა და მარადიულ სასუფეველს შეუერთდი.

ოჯახისათვის თავდადებული, საუკეთესო დედა და მეუღლე, სანდო, მზრუნველი და უღალატო ადამიანი... ძნელზე ძნელია შეეგუო ასეთი ადამიანისა და მეგობრის დაკარგვას. თითქოს დაცარიელდა სახლი, ფერი იცვალა ოჯახურმა იდილიამ, გაქრა ლამაზი, მზიარული დღეები... ზოგჯერ არც გვსურს რეალობას თვალი გავუსწოროთ, თითქოს ისევ მოგვლით სკოლიდან დაბრუნებულს...

ოცდათორმეტი წელი ემსახურებოდი მოსწავლე-ახალგაზრდობის აღზრდის უდიდეს საპასუხისმგებლო საქმეს ძვერის შმაგი სოფრომადის სახელობის საჯარო სკოლაში ისტორია-სამოქალაქო განათლების პედაგოგად. მუდამ ცდილობდი და ყველაფერს აკეთებდი სკოლის წარმატებულ ტრადიციებსა და მიღწევებში შენი წვლილიც ყოფილიყო. როგორ გაიხარე, როცა 2015 წელს უფროსი მასწავლებლის სტატუსი მოგენიჭა, 2019 წელს კი—ნამყვანი მასწავლებლის სტატუსი...

არანაკლებ გაიხარე, როცა მაკ ჯორჯიას რეგიონალური ფონდიდან დაჯილდოვდი მასწავლებელთა სასერთიფიკაციო გამოცდების წარმატებით ჩაბარებისათვის!

უამრავი გეგმა და ოცნება გქონდა როგორც ოჯახში, ასევე სკოლაში, შენს მეორე ოჯახად რომ მიგანნდა, მძიმე სენმა შენი და ჩვენი ოცნებები დაამსხვრია, არ მოგეცა ფიზიკური შესაძლებლობა გამკლავებოდი ტკივილებს, თუმცა მცდელობა არ დაგვიკლია.

გასული წლის ავბედით 17 მაისს, ბუნების საოცარი სილამაზის დროს, შენი ლამაზი სიცოცხლე სამუდამოდ ჩაიფერვლა.

შენმა სულმა მარადისობაში გადაინაცვლა...

ნახვები იმ დიდ, ბურუსით მოცულ სოფელში და დატოვე მონატრების დიდი ტკივილი...

იმედია, შენს მიერ დატოვებულ სიყვარულის ბილიკზე კვლავ გაგრძელდება შენი სანუკვარი ოჯახის ცხოვრება. იქნება ქორწინებები, ძეგბები, გამრავლება, ნათლობები... იქნება სტუმრიანობა, ჩვენ კი ამ დროს ყოველთვის თავს შეგვახსენებს შენი არყოფნით გამოწვეული სევდა და ტკივილი იმისა, რომ ჩვენთან ერთად ვერ გაიზიარებ იმ სასურველ ლამაზ დღეებს, რომელიც უფლის წყალობით და დახმარებით ჩვენს ოჯახში, მომავალში დადგება. უფაღს შევთხოვთ მოისვენოს შენმა სულმა სასუფეველში „სადა იგი არა არს ჭირი, მწუხარება, არცა ურვა სულთქმა, არამედ სიხარული და ცხოვრება იგი დაუსრულებელი, ან და მარადის უკუნიითი უკუნისამდე“.

მეუღლე მუზიანი, შვილები მათი და დონი ფანჩულიძეები

თერჯოლის სკოლამდელი აღზრდის მუნიციპალური ცენტრის თანამშრომლები მწუხარებას გამოთქვამენ ახალ-თერჯოლის საბავშვო ბაღის თანამშრომლის

დოდო ცხადაძის

გარდაცვალების გამო და სამძიმარს უცხადებენ განსვენებულის ოჯახს.

გაზეთ „თერჯოლის“ რედაქცია ღრმა მწუხარებაში თანაუგრძნობს ელზა და ვალერი ბოჭორიშვილების დედის

დალი ცინაძე-ბოჭორიშვილის

გარდაცვალების გამო.

1 ივნისი თქვენი დღეა... წმინდა ნინო იყოს თქვენი მფარველი!



1 ივნისი პატარების, ყველაზე ნორჩი მოქალაქეების დღეა, ვულოცავთ და ვლოცავთ უსაზღვრო სიყვარულით ჩვენი თითოეულის და ჩვენი ქვეყნის იმედად მობრძანებულ ულამაზეს გოგონებსა და ვაჟებს...

უსაზღვროა თქვენდამი სიყვარული, ჩვენო, პატარა ცუგრუმელებო, თქვენ შეუფასებელი სიმდიდრე, განძი მშვენება და რაც მთავარია, იმედი ხართ ამ უკიდევანო სამყაროში...

თქვენი სიცოცხლე და ჯანმრთელობა, თქვენი სიყვარული და კეთილდღეობა ინებოს უფალმა ან და მარადის!

ვისურვებდი ჩვენს ღვთიურთხეულ მამულს, ნაირფერად მოქარგულ მთა-ბარს ვერ დაეტიოს თქვენი სიმრავლე, თქვენი სილამაზე, სილალე და სიკისკისე.

არასოდეს მოგკლებოდეთ მარიამ ღვთისმშობლისა და წმინდა ნინოს მადლიანი ლოცვა-კურთხევა...

მომავალი თქვენი იყოს ბედნიერების, კეთილდღეობის და წარმატებული ცხოვრებისა...


იღვგრძელეთ!..

ეს ულამაზესი, ნორჩი მოქალაქეები, თერჯოლის მუნიციპალიტეტის კვახჭირის საბავშვო ბაგა-ბაღის 5-6 წლიანთა ჯგუფის აღსაზრდელები არიან, სადაც პედაგოგები, ბაღის დირექტორის, ქალბატონ ეთერ ყუფარაძის ხელმძღვანელობით, თითოეულს კომფორტულ გარემოში, დედობრივი მზრუნველობით სკოლისათვის, მომავალი ცხოვრებისათვის ამზადებენ...

შვიდი მათგანი მალე ბაღს დაასრულებს, საყვარელ აღმზრდელებს დაემშვიდობება და სკოლის მერსს მიუსხდება... ნაყოფიერი, წარმატებული ყოფილიყოს

მათთვის სასწავლო პროცესი, ბედნიერ, გაბრწყინებულ საქართველოში ეცხოვროთ მათ და სრულიად საქართველოს მომავალ თაობას...

მზია ცქიფურიშვილი



შპს „თერჯოლა“

გამომცემელი მთავარი რედაქტორი

ვალერიან გოგიაშვილი დავით კლდიაშვილი

599 92 49 75 599 91 24 14

სარედაქციო კოლეგია

რეგისტრაციის №53/5/ბ-22

გამოდის თვეში ორჯერ

კორესპონდენტები:

უ. ცხადაძე—558 90 82 55

მ. ცქიფურიშვილი—555 28 11 41

ელ-ფოსტა: gazetiterjola@gmail.com

აიწყო და დაკაბადონდა რედაქციის კომპიუტერულ ცენტრში

მისამართი:

ქ. თერჯოლა, კოსტავას ქუჩა №2

დაიბეჭდა ქუთაისის

შპს „ხომლი ენ“-ის სტამბაში ქუთაისი, ჭავჭავაძის გამზ. №33

ჩვენი რეკვიზიტები:

„ლიბერთი ბანკი“

LBRTGE22,

ანგარიში

GE32LB0113133960124000

ს/კ 231948872